



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CXXXV. De privilegiis Ordinis Prædic.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores huiusmodi ac si de verbo ad verbum nihil penitus omisso, & forma in illis tradita observata exprimerentur, & infererentur iisdem presentibus pro plene, & sufficienter expressis, ac ad verbum inferentibus, illis alias in suo robore permanentibus ad praemissorum effectum hac vice dumtaxat specialiter, & expresse derogamus, & derogatum esse volumus, caeterisque contrariis quibuscumque.

Datum Beneventi sub annulo Piscatoris die XXVI. Aprilis MDCCXXVI. Pontificatus nostri anno Tertio.

CXXXV.

Confirmantur universo Praedicatorum Ordini privilegia omnia ei concessa, & Apostolica Constitutiones in eiusdem gratiam emanatae pariter approbantur, & extenduntur, ac nonnulla quoque eidem conceduntur.

Catalogus Constitutionum Privilegiorum omnium a praedecessoribus Romanis Pontificibus dicto Ordini concessorum hic sese retexitur.

Dat. 26. Maii 1727. An. 3.

BENEDICTUS EPISCOPUS

Servus Servorum Dei. Ad perpetuam rei memoriam.

Exordium a laudibus Ordinis Praedicatorum.

PREtiosus in conspectu Domini Fratrum Praedicatorum inclitus Ordo, quem Divinus Sponsus ad cumulandos dilectae Sponsae suae Sacrosanctae Ecclesiae in Terris militanti caelestes Triumphos, exstavit, & quem Nos ab ineunte aetate nostra expresse professi sumus, promeretur, ut ea, quae ob innumera, & in dies adolescentiam erga Sedem Apostolicam merita, de plurium Romanorum Pontificum Praedecessorum Nostrorum, diversis sic meritis & ipsis exigentibus temporibus, gratia processerunt, in unum a Nobis redigantur, approbentur, confirmantur, & de novo, novis etiam superventibus meritis, concedantur, ut ex eis omnibus sic in unum redactis, debita Privilegiorum amplitudo, & ex ea altitudo appareat meritorum, & Ordo ipse in Nobis Filii expertus obedientiam, & reverentiam, paterni nunc quoque Divina sic disponente bonitate, nostri amoris affectum experiatur, & liberalitatem.

§. 1. Hinc Nos, qui dudum inter alia volumus, quod Literae super Indulgentiis non expediantur ad instar, nisi specificentur, Ordinem Praedicatorum huiusmodi amplioribus gratis, & favoribus proficere volentes, ac dilectos Filios Fratrem Thomam Ripoll Magistrum, & Fratrem Angelum Guilielmum Molam Procuratorem Generales Ordinis, omnesque, & singulos illius Superiores, & Fratres, aliasque personas suo loco subjungendas, a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existunt, ad effectum praesentium dumtaxat consequendum, harum serie absolventes, & absolutos fore censentes, necnon omnium, & singulorum infra-scriptorum Romanorum Pontificum Praedecessorum & Nostrarum mox referendarum Literarum, Congregationum Decretorum, inferius dicendorum, respectu tenores praesentibus, perinde ac si de verbo ad verbum nihil penitus omisso inferri forent, pro expressis

Confirmantur Constitutiones omnes Romanorum Pontificum, quibus indulgentiae, gratiae, ac privi-

habentes, Motu proprio, non ad alicujus super hoc Nobis oblatam petitionis instantiam, sed ex certa scientia, merisque deliberatione, & liberalitate Nostris, deque Apostolicae Potestatis plenitudine eidem Ordini omnes, & singulas successively referendas, ac alias quascumque gratias, exemptiones, Indulgentias, & peccatorum remissiones, necnon concessionem cuiuscumque generis, conditionis, & speciei, Fratrum, & Sororibus quibuscumque praedicti Ordinis Praedicatorum, ac etiam Tertii Ordinis de Penitentia S. Dominici nuncupatis, de Apostolica largitate concessas tam generaliter, quam specialiter, & in individuo, confirmamus, innovamus, & quatenus opus sit, de novo concedimus.

§. 2. Et primo quidem omnes, & singulas Indulgentias, Confraternitati Sanctissimi Nominis Jesu (sive alias Nominis Dei, & Juramentorum (quam ab ipso Ordine Praedicatorum originem duxisse, Praedecessor Noster S. Pius V. in Literis--*Decet Romanum Pontificem*--21. Junii 1571. animadvertit, ejusque Auctorem antea Fratrem Didacum de Victoria Conventus Sancti Pauli Burgensis praedicti Ordinis, eundemque egregium Verbi Dei praedicatorum dixerat Pius PP. IV. in Constitutione--*Salvatoris*--Idibus Aprilis 1574.) a praedicto Pio IV. in alia Constitutione incipien.--*Injunctum Nobis*--eisdem die, & anno, Gregorio XIII. in literis suis--*Alias per sel. rec. Pium PP. IV.*, & duabus aliis incipien.--*Alias sel. rec. Pius PP. IV.* 9. Julii, & 5. Septembris 1580., & 22. Septembris 1583., caeterisque aliis Romanis Pontificibus deinde concessas; declarantes, eas omnes Indulgentias accipiendas esse ad normam Literarum Pauli V.--*Quum certas unicuique Confraternitati*--31. Octobris 1606.--*Pias Christifidelium*--28. Septembris 1612.--*Quum sicut nuper accepimus*--1. Aprilis 1613., atque Venerabilis record. Innocentii XI.--*Quum dudum*--18. Aprilis an. 1678.; Declarantes insuper, ac mandantes juxta praescriptas Literas S. Pii V., Confraternitatem eandem in locis, in quibus Conventus Ordinis praefati existunt, aut quodcumque sunt extituri, in solis ejusdem Ordinis Ecclesiis existere posse, ac in eisdem dumtaxat per Fratres praedictos functiones quaslibet ad d. Confraternitatem spectantes esse peragendas, nisi alias speciali Indulto aliud ab Apostolica Sede forte concessum reperiat; necnon ad normam praedictarum Pauli V. Literarum--*Quum certas*--potestatem tales Confraternitates erigendi, & fundandi, ac Indulgentias communicandi, alias a S. Pio V. in memoratis Literis, Provincialibus, ac etiam Conventuum Prioribus permissam, soli Ordinis Generali Magistro, vel Vicario Generali esse private adjudicandam.

§. 3. Indulgentias quoque, ac gratias omnes Confraternitati Sanctissimi Corporis Christi in Ecclesia domus B. M. V. super Minervam praedicti Ordinis Praedicatorum, ex qua tanquam a prima, & principe innumerae aliae in totum qua late patet Christianam Orbem, in perpetuum tanti Sacramenti cultum, prodire, a Praedecessoribus Nostris ab eisdem origine benigne concessas, nimirum a Paulo Papa III. in Constitutione--*Dominus noster Jesus Christus transiurus*--pridie Kal. Decembris 1539. &--*Ad providam*--Gregorio XIII.--*Pastoris aeterni*--octavo Idus Augusti 1573. Paulo V. in Constitutione--*Quum certas*--3. Novembris 1606.

§. 4. Insuper Indulgentias Societatis Sanctissimi Rosarii, ab ipso Ordine Praedicatorum Fundatore P. S. Dominico cum insigni animarum fructu, & B. M. V. honore, instituta a quocumque, & quomodocumque concessas: nominatim vero a laudato Sancto Pio V. LXXXVI.--

Confirmantur primo Indulgentiae Confraternitatis SS. Nominis Jesu, quae ab Ordine Praedicatorum originem traxit, concessa.

Cum nonnullis declarationibus.

Indulgentiae pariter, & gratiae concessae Confraternitati SS. Corporis Christi in Ecclesia S. M. U. per Minervam praedicti Ordinis.

Indulgentiae insuper, & gratiae concessae Societati SS. Rosarii ab ipso S. Dominico instituti.

Inter

Inter desiderabilia - 28. Junii 1569., & a Sixto V. XXI. - *Dum ineffabilia* - 30. Januarii 1586., Urbano IV., Joanne vulgo XXI., Sixto IV., Innocentio VIII., Alexandro VI., Julio II., ac Leone X. (qui in Constit. XLVI. - *Pastoris aeterni* - Pridie nonas Octob. 1520. concesserat, ut Confratres, & Consores Rosarii per Confessarium prædicti Ordinis Prædicatorum in certis diebus, ab eodem assignatis absolvi possent ab omnibus casibus, & censuris, etiam Apostolica Sedi reservatis, exceptis contentis in Bulla Cœnæ; eorumque Juramenta quæcumque, sine præjudicio alicujus, relaxari, & Vota, ultramarinis, Visitationis Liminum BB. Apostolorum Petri & Pauli, necnon Castitatis, & Religionis Votis exceptis, in alia pietatis opera commutari, Ordinarii Loci, vel cujusvis alterius licentia desuper minime requisita; quæ quidem, ut supra, pariformiter confirmamus, innovamus, & de novo concedimus, sed intelligenda, & accipienda volumus, & declaramus juxta sancita a Clemente VIII. in Constitutione CXV. - *Quæcumque a Sede* - 7. Decembris 1604. §. 9.; Nimirum ut Confessarii prædicti ab Ordinario Loci, & a suis Superioribus sint approbati, neque absolvi possint a gravioribus casibus prædictæ Sedi reservatis, & ab ipso Clemente VIII. ibidem expressis, aut reservatis Ordinario Loci, neque ab excommunicatione ab homine lata, neque dispensare valeant cum prædictis super quacumque irregularitate, ex defectu, vel delicto proveniente) Adriano VI., Clemente VII., Paulo III. Julio III., Paulo IV., Pio IV. & prædicto S. Pio V., ac Gregorio XIII. Necnon a nonnullis prædictæ Sedi de latere Legatis, & Nuntiis, ac demum ab Innocentio XI. - *Nuper pro parte* - 31. Julii 1671., simulque decreta novissima per Congregationem SS. Indulgentiis præpositam edita 13. Apr., & 13. Augusti 1726., & per Nos approbata. Ad consolationem personarum vere rudiorum, ac Divinis meditandis Mysteriis in præfato Sancto Rosario comprehensis minus idonearum, præterea declarantes easdem devota, ac pia ejusdem Rosarii recitatione prædictas Indulgentias, juxta posterius hoc Decretum, Mysteria illa meditantibus tantummodo concessas, etiam lucrari posse; tametsi plane volumus, ut iidem Reparationis nostræ Mysteriis Sacratissimis meditandis juxta Rosarii institutum assuescant.

Com quibusdam declarantibus.

Conceditur præterea Indulgentia plenaria ad augendam ejusdem Rosarii devotio-nem.

Confirmantur etiam, & extenduntur quæcumque alie Constitutiones editæ respectu quorumcumque Rosariorum.

§. 5. Ut tamen devotio Deo, a B. M. V. adeo accepta, ac Populis salutaris in dies augeatur, de Apostolica benigntate indulgemus, quatenus in perpetuum visitantes infra Octavam, vel in ipsa Octava Festi Rosarii Cappellam, in qua erecta sit Societas ejusdem Rosarii, die per eamdem eligenda, Indulgentiam plenariam consequantur, si confessi, ac Sacra Eucharistia refecti, pias de more Ecclesiæ ad Deum preces effuderint; declarantes ad mentem quoque Prædecessorum Nostrorum, hanc & cæteras superius confirmatas indulgentias, visitantibus Cappellam Rosarii concessas, eos solummodo lucrari posse, qui Cappellam ipsam, sive Altare, non vero quancumque Sanctissimæ Virginis Rosarii Scantum extra Capellam prædictam constitutam visitaverint.

§. 6. Ne vero eadem devotio in posterum minuat, Constitutionem CXLIX. Alexandri VII. incipien. - *In supremo* - editam die 28. Maji 1664. respectu Rosarii vulgo *Seraphici*; & aliam Clementis XI. - *In supremo* - ad petitionem moderni Ordinis Prædicatorum Procuratoris Generalis 8. Martii 1712. respectu alterius Rosarii in honorem Sanctissimæ Trinitatis nuncupati, consultata Sacrorum Rituum Congregatione emanatam, confirmamus, & innovamus ut supra, easque, & in eis contenta quæcumque extendi-

mus, & ampliamus, Motu, scientia, & potestate similibus, ad cætera quæcumque Rosaria de novo inventa, aut invenienda sine opportuna prædictæ Sedi facultate, quibus authenticum Rosarium prædictum, Deo, & B. M. V. sacrum, non sine Fidelium perturbatione antiquaretur. Confirmamus pari, & expressa ratione eidem Ordini privative circa Missam Votivam privilegiam prædicti Rosarii incipien. - *Salve Radix Sancta* - Constitutionem XXIX. Clementis X. incipien. - *Cælestium munerum* - 16. Februarii 1671.

§. 7. Prædecessorum insuper quorumvis Nostrorum Constitutiones, necnon Congregationis Rituum in una *Mediolanen.* Decretum latum die 9. Aprilis 1661. quibus post S. Pium in prædicta Constitutione - *Inter desiderabilia* - asserta est privativa facultas erigendi, ac fundandi Societates Rosarii, eisque prædictas Indulgentias communicandi soli Magistro Ordinis, aut Vicario Generali prædicto; Ita tamen, ut præsentem Constitutionem nostram Motu, scientia, & potestate prædictis Indultum illud per Prædecessores Nostros Innocentium XII., & Clementem XI. in Apostolicis Literis suis similiter incipien. - *Exponi Nobis nuper fecit dilectus Filius Antoninus Cloche* - 1. Martii 1692. & 18. Februarii 1713. eidem tunc in humanis existenti Ordinis prædicti Magistro quoad viveret concessum, circa facultatem Provinciales Canarien. S. Crucis, S. Antonini in Indiis, Mexican., Peruan., Quiten., Chilen., Oaxacan., Chiapen., Angelorum in nova Hispania, Philippinarum, & Congregationis Indiarum Orientalium Portugalliæ, necnon Vicarios Provinciales Missionariorum in Tunkini, & Sinarum Regnis, pro erectione Societatis Rosarii, in illis Regionibus longissime distantibus, substituendi, & delegandi ea lege, ut iidem alios subdelegare nullatenus possent, & quotannis eundem Antoninum de erectis Confraternitatibus certiorum reddere tenerentur, ac salva semper auctoritate Congregationis Venerabilium Fratrum S. R. E. Cardin. Concilii Trident. Interpretum, non solum ad modernum primo dictum, sed etiam ad quemvis pro tempore futurum prædicti Ordinis Magistrum, etiam respectu ad Provinciale de Buenos Ayres, & ad Vicarios Congregationis Sanctissimi Nominis Jesu, & Sac. Rosarii in America, ac etiam in ordine ad erigendas Societates supradictas ejusdem Nominis Jesu, & infra dicendas Militiæ S. Thomæ in prædictis omnibus Regionibus, extendimus, & ampliamus. Ac demum declarationem prædictæ Congregationis Indulgentiis præpositæ 7. Septemb. anno 1607. de mandato prælaudati Clem. VIII. nimirum, pro erigendis novis illis, aliisque Societatibus non requiri distantiam illam, quæ per antiquiores Apostolicas Ordinationes sancita fuerat, dummodo cætera serventur requisita.

§. 8. Deinde Indulgentias omnes, ac singulas, & gratias a Sede Crucesignatis, ac Ministris S. Officii concessas, neque ab eadem Sede expresse revocatas.

§. 9. Ulterius Indulgentias omnes, & singulas, & gratias Societati *Militiæ Angelicæ*, aut *Ginguli S. Thomæ Aquinatis* pro obtinenda sub protectione ejusdem in arduo tentatæ castitatis certamine victoria, ac respectu propaganda erga S. Doctorem devotione, fundatæ, concessas pro diversis Ecclesiis Conventuum nostri Ordinis prædicti ab Apostolica Sede per Innocentium X. Brevis dato ad Lovanienses 21. Martii 1654., Innocentium XI. pro Ecclesia sub nuncupatione Rosarii Conventus Veneti: & præcipue per Innocentium XII. pro Ecclesia Conventus Mutinen. sub die 24. Decemb. 1695. ac pro Ecclesia Conventus Cæsaraugustani ad

Necnon Constitutiones super facultate privativa Societates Rosarii erigendi, Magistro Ordinis concessa.

Ac super distantia minime servanda in illarum erectione.

Indulgentiæ pariter, & gratiæ Crucesignatis, ac Ministris Sancti Officii concessæ.

Confirmantur præterea Indulgentiæ, & gratiæ Societati *Militiæ Angelicæ* concessæ; eique unitur Societas Academicæ studium, S. Thomæ: cum privativa facultate Magistro Ordinis, ac Vicario Generali prædictas Confraternitates erigendi.

Sanctum Idelphonsum in Constit. incipiente -- *Considerantes nostram mortalitatis* -- Idibus Septemb. 1693., cui inhaerentes praecipuum hujus Societatis Festum declaramus diem xxviii. Januarii, Translationi corporis S. Doctoris sacrum, eamque Societatem cum praedictis Indulgentiis, & gratis a Praedecessoribus nostris concessis ad totum praedictum Ordinem Praedicatorum auctoritate, ut supra, extendimus, & ampliamus; eidemque quatenus opus sit unientes, & incorporantes Societatem Academiae Studentium ejusdem S. Thomae, fundatam in Ecclesia Barchinonen. Fratrum Praedicatorum ad honorem S. Catharinae V. & M. erecta, ac cum praedicta ferme convenientem, atque confirmatam, & pluribus Indulgentiis auctam a Sixto V. in Constitutione sua -- *Salvator Noster* -- Kal. Junii 1586. Deinde a Paulo V. in Constitutione incipiente -- *Pietatis, & Christianae charitatis* -- 4. Septembris 1617., ac demum ab Innocentio XI. -- *Dudum fel. rec. Paulus PP. V.* -- 16. Junii 1681. concedimus, & communicamus quaslibet Indulgentias a mox dictis Praedecessoribus nostris huic Societati Academiae concessas, ac illi antea ex aliis praedictis Apostolicis Indultis non convenientes, ac expresse, & signanter illam LX. dierum pro iis, qui ex eadem Societate, Conclusionibus, & Disputationibus Theologicalibus ejusdem Societatis interfuerint: quo sic Angelico S. Thomae lacte pasci, ac nutriti Confratres, & Confratres, castitatis donum Deo dante feliciter tueantur, aut consequantur amissum; Eadem Auctoritate Apostolica praefatas Confraternitates erigendi, & instituendi ubique facultatem, & quidem privatam, concedentes Magistro Ordinis, ac Vicario Generali pro tempore.

§. 10. Demum Indulgentias, quarumcumque aliarum Societatum in Ecclesiis quibusvis Ordinis praedicti canonice erectarum eidem a praedicta Sede concessas, sicuti & quaslibet Indulgentias Ordinis Ecclesias visitantibus a quocumque concessas, iisque addimus Indulgentiam quinque annorum, totidemque quadragenarum singulis devote deosculantibus Religiosum Habitum Ordinis benedictum.

§. 11. Quum vero Nobis multiplici constet experimento, Congregationes ab usu, vel non usu Cappae, *Cappatas*, & respective *non Cappatas*, aut quocumque nomine appellatas uniones Secularium administrantium temporalia bona ad praedictas Nominis Jesu, Rosarii, aliasque Societates Seculares in Ecclesiis praefati Ordinis fundatas spectantia, quaeque de directo Domino praefatorum Fratrum, sive eorum Conventuum, aut Ecclesiarum, in opus pium etiam determinatum convertenda, vere & realiter sunt, & quatenus opus sit, vere & realiter esse, ac fore quodcumque, Motu, scientia, & auctoritate praedictis declaramus, & sancimus: sive ad aliquod pietatis opus, vel devotionem aliquam peragendam, in eisdem Ecclesiis, aut in aliquo Oratorio ad praedictum Ordinem quoque spectante, quomodocumque introductas, contra suam ipsarum Institutionem, in apertam Dei, B. M. V. Sanctorumque, sub quorum Invocatione erectae fuerant, ac fundatae, gravemque injuriam, Fidelium scandalum, & praedicti Ordinis Fratrum perturbationem, ac praedictum, passim contra ipsorum Superiorum ejusdem Ordinis Auctoritatem per despotice bonorum praedictorum administrationem per lites acerrimas Fratribus intentatas, ac non nisi expensis Societatum praefatarum in praeposterum usum conversis, introductas, ac terminatas, per apertum contemptum; Immo quodque, quod longe intolerabilius est, per violentam sui ipsorum introductionem in Sanctuarium, sive in ea, quae mere spiritualia, aut spiritualibus adnexa sunt, necnon per plures

alios diversos modos, utique damnandos sese erigere, atque intrmittere; hinc ad tantum malum tollendum, per novissimum Capitulum Generale Ordinis Bononiae habitum 1725. in Commissione II. ad Nos delatum, & ad consulendum Dei, B. M. V., & Sanctorum famulatu, Ecclesiarum decori, ac Fratrum Praedicatorum quieti, non solum haecenus aliquas ejusmodi effraenes Congregationes per Apostolicas Literas suppressimus, verum, ut Apostolica providentia Nostra ad totum spectatissimum Ordinem in hoc ipso quoque sese extendat, Motu, scientia, & potestate praedictis sub interminatione Divini Judicii, necnon sub Excommunicatione latae Sententiae eo ipso, absque aliqua alia declaratione incurrenda, a qua solum per Magistrum Generalem, vel Generalem Vicarium Ordinis, & non per alium quemcumque inferiorem, absolvi possint, omnibus, & singulis Fratribus, & Superioribus etiam Provincialibus praedicti Ordinis, praecipimus, & mandamus, hac nostra perpetuo valitura Constitutione, ne, ubi haecenus praedictae, aliaeve consimiles quaecumque Congregationes, aut Uniones erectae, fundatae, & institutae non sunt, non solum actu introducere, sed ut introducantur attendere, vel operari, inconsulto Romano Pontifice pro tempore, audeant, vel praesumant. Ubi vero primum sub verae devotionis obtentu, vel Fratrum conniventia, vel alia quacumque via, & causa in Ecclesiis, aut Conventibus, & Oratoriis praedictis, actu erectae, & institutae reperiantur, districte sime in virtute Sanctae Obedientiae eisdem Congregationibus, aut Unionibus, earumque singulis membris praecipimus, & mandamus, ut juxta religiosum, ac pium Societatum, quarum sunt Ministri, institutum, omnino intra certos modestae terminos ita sese continent, ac in Dei famulatu exerceant, ut firma penitus, ac illa undique sit debita respectiva Superioribus praedicti Ordinis, eorumque delegatis Religiosis, obedientia, & subjectio: in iis omnibus, quae Societatem, ac etiam Congregationem ipsam, sive spiritualia sint, sive temporalia, & nominatim ac signanter & expresse dispensationem, custodiam, ac usum praedictorum bonorum mobilium, & immobilium quorumvis, quomodocumque spectant, ut uno corde, & ore cum praedictis Fratribus directoribus, Deo in odorem suavitatis ministrant.

§. 12. Si vero, quod absit, Congregatio aliqua praetextu consuetudinis etiam immemorabilis, aut conventionis, vel alterius cujuscumque tituli adhuc obistere pergat in iis, quae praesenti hac nostra Constitutione sancita sunt, Motu, scientia, & potestate similibus eam, ejusque omnia, & singula membra contra praedicta quovis modo refragantia privamus tam in vita, quam in morte, & post mortem omnibus, & singulis Indulgentiis, & gratis spiritualibus quibuscumque ad Societatem, ad quam pertinent, spectantibus, eamque, vel eas suppressimus, atque dissolvimus, quinimo privatas, suppressas, & dissolutas declaramus, & decernimus; Mandantes locorum Ordinarios, ut de hoc ipso per praedictos Fratres admoniti, invocato etiam, si opus fuerit, auxilio brachii secularis, talem dissolutionem, & suppressionem ad exitum perfectum omnino perducant, applicatis bonis mobilibus, & quidem omnibus in universum, & quibuscumque favore Ecclesiae Fratrum, immobilibus vero dumtaxat post deductam favore ejusdem Ecclesiae Fratrum congruam dotem pro decenti manutentione Capellae, seu Altaris, necnon pro missis perpetuo per ipsos celebrandis, Seminario Clericorum, eoque deficiente, alteri operi pio sibi bene viso,

Denique Indulgentiae quibuscumque aliis Societatibus in Ecclesiis ejusdem Ordinis erectis; vel ejus Ecclesias visitantibus concessae; cum nova Indulgentiae concessione deosculantibus Religiosum Ordinis habitum. Sanciuntur, & declarantur nonnulla super Congregationibus secularium administrantium bona ad praedictas Societates spectantia.

Supprimuntur Congregationes praedictae si obistere pergant in iis, quae sancita sunt.

quoties tamen bona prædicta tam mobilia quam immobilia præfata Capellæ, aut Altari Fratrum ex aliqua gravissima causa minime relinquenda fore visum fuerit. Si vero bona ipsa leviora sint, eadem omnino Capellæ, sive Altari, & Conventui plenarie applicanda sancimus, & applicata declaramus.

§. 13. Eandem vero subjectionem Prælati, ac Religiosis Ordinis circa prædicta omnia præstabit etiam seculares quicumque, congregati ad administranda bona Societatis Rosarii in iis locis, in quibus auctoritate Apostolica, vel Magistri Ordinis erecta fuerit Societas, postquam in ipsis locis erigi contigerit Conventum dicti Ordinis, cui eo ipso plenarie, ac subiective accedit Societas huiusmodi cum omnibus, & singulis Indulgentiis, pertinentiis, ac bonis quibuscumque suis spiritualibus, & temporalibus, non solum ex Literis Erektionis per Magistrum Ordinis dari solitis, sed etiam ex Apostolica Gregorii XIII. Constitutione -- *Dudum siquidem* -- 1. Augusti 1575., quam Nos confirmantes, innovantes, aut de novo concedentes (atque etiam per omnia similiter extendentes ad Societatem Sanctissimi Nominis Jesu) nunc pro tunc talem Societatem cum cujuscumque generis bonis spiritualibus, & temporalibus, mobilibus, & immobilibus, adjudicamus, unimus, & incorporamus, & sic adjudicata, unita, & incorporata declaramus Conventui, sive Ecclesiæ dicti Ordinis; mandantes quoad Societatem ipsam, & bona quævis spiritualia ita inviolabiliter, indefinite quidem, & in perpetuum observari. Quoad temporalia vero quocumque iusta de causa a Magistro Ordinis pro tempore expendenda, ac de ipsis licentia expressa, non contingat Fratres præfatos in erectionem alicujus novi Conventus consentire cum aliquorum, aut omnium illorum bonorum assignatione, ad quem effectum eidem Magistro necessarias, & opportunas facultates elargimur. Quatenus vero a tali prædicta subjectione iidem congregati recedat, eorum Congregationem pari ratione dissolvendam, immo dissolutam, ex nunc; ut prædictum est, declaramus, volumus, & mandamus.

§. 14. Quoad Processiones autem confirmamus, innovamus, & de novo concedimus Motu, scientia, & potestate, ut supra, Privilegium Indultum Fratibus prædictis a S. Pio V. in Literis in forma Brevis datis 20. Junii 1570. quod soli possint peragere Processionem cum Augustissimo Sacramento in Dominica infra octavam Corporis Christi hora qua maluerint, & per vias semel tantummodo per eos eligendas; quod quidem Indultum non obstantibus quibuscumque Constitutionibus Apostolicis, & consequenter derogando illi Gregorii XIII., quæ incipit -- *Quum interdum* -- 11. Martii 1573. non solum confirmavit, & innovavit Clemens VIII. in Constitutione -- *Dudum fel. rec. Pius PP. V.* -- 8. Martii 1592. verum etiam illud extendit ad Conventus quoscumque, non modo jam erectos, sed quandocumque erigendos, concessa Indulgentia plenaria interessentibus eidem Processioni; quæ omnia amplissime confirmamus, ut prædictum est, quibuscumque, ut infra, plenissime derogantes: Et mandantes prædictis Fratibus, quatenus omni cunctatione seposita prædictam Processionem solemniter instituant prædicta die, in iis saltem locis, in quibus aliam non elegerint; ac præcipientes Locorum Ordinariis, ut quævis impedimenta, & obstacula efficaciter submoveant: ad hoc, ut quæ a Prædecessoribus Nostri Prædicatorum Ordini, cujus filius clarissimus Divus Thomas incomparabilibus, ac propemodum divinis præconiis, laudibus, & hymnis per sacrum huiusmodi tempus recinendis, gloriam Sanctissimi Sacramenti in Ca-

tholica Ecclesia auxit, perennavitque, ac properea de aucta simul, & propagata veneratione Corporis Christi tantopere benemerenti, beneficia jure maximo collata, restituta in Domino gaudentes videamus.

§. 15. Indultum præterea eidem Ordini per nostras Literas incipien. -- *In supremo* -- 10. Aprilis 1725. impartitum, confirmamus, volentes, & mandantes, quod ejusdem Ordinis Fratres Processionem solemnem Rosarii juxta dictas Literas Nostras in prima Dominica Octobris celebrare debeant, & respective possint absque interventu Parochi, & licentia ab Ordinario Loci minime requisita, sive sint in possessione eandem Processionem faciendi, sive non. Ex quo vero nonnullis in Locis, sicut percepimus, iidem Fratres legitime impediti ex concursu alterius consimilis Processionis aliorum Conventuum ejusdem Ordinis, vel ex alia causa, talem Processionem ad alium diem differre coguntur, vel etiam juxta consuetudinem ibidem obtinentem uno, aut altero die B. Virgini Mariæ sacro quot annis publicam Processionem ejusdem Rosarii peragunt, Motu, scientia, & potestate sæpe dictis tale Indultum quoad omnia, & singula in eo contenta pro eisdem circumstantiis extendimus, & ampliamus.

§. 16. Pari ratione concedimus, ac volumus in quolibet primo anni die eosdem Fratres solemnem Sanctissimi Nominis Jesu Processionem libere, & licite ubique Locorum peragere posse, ac debere. Similiter confirmamus consuetudinem pluribus in locis saltem aliquibus abhinc annis, ut accepimus, obtinentem, eique Apostolicæ firmitatis robur adjicimus, quod in Processionibus Nominis Jesu, & Rosarii, quæ singulis mensibus a Fratibus prædictis, juxta supra memoratas concessionem Apostolicas cum Indulgentia plenaria peraguntur, eadem fiant etiam extra ambitum Conventuum, quo uberius populi commoditati, & devotioni, orationum recitationi, & ad convenientius lucrandum Indulgentiam, consulatur: districte prohibentes, ne super his a quocumque quavis auctoritate pollente impediri possint, aut molestari, immo concedimus cæteris Conventibus Ordinis, in quibus nimis compendiosus videri posset intra, & circa Claustra circuitus pro eisdem Processionibus debite instituendis, convenientem transitum extra Ecclesiam, & Claustra, cum Ordinario Loci tantummodo, & semel dirigendum, illum nunc pro tunc Apostolica auctoritate tenore præsentium ratum habentes, & perpetuo retineri mandantes.

§. 17. Et quia prædictas sacras Functiones, Populum a vanis retrahentes, & in Dei servitio diutius continentes, inde præcipue impediri contingit, quia Parochis persuasum est, per easdem suam ipsorum Jurisdictionem deturbari: quum de reliquo jugi, ac tumultuario Secularium per easdem vias, in quibus fierent Processiones, excursu, eidem propriæ jurisdictioni nullum præjudicium inferri noscant, & sciant; ad huiusmodi controversiarum radicem evellendam, Motu, scientia, & Potestate, ut supra, sancimus, decernimus, & declaramus, ex Processionibus prædictis, aut aliis quibuscumque, etiam cum Cruce erecta, & Stola nullum aut de jure, aut de facto generari, & sequi posse præjudicium Parochorum Juribus; nec non Fratres prædictos cum Cruce erecta, ac Stola gestantes sine licentia Ordinarii, & interventu Parochi easdem Processiones, omnesque alias peragere posse, ac debere.

§. 18. Quum insuper Nobis compertum sit, quantum detrimenti adferant Studiis, Regulari observantiæ, ac etiam Ecclesiasticis Functionibus extraordinariæ illæ Processiones, ad quas quandoque Fratres prædictos adigi alicubi con-

Quoad Processiones Rosarii.

Quoad Processiones SS. Nominis Jesu.

Declaratur ex prædictis Processionibus nullum Parochorum jurisdictioni præjudicium inferri.

Decernitur quibus Processionibus interesse debeant Fratres prædicti Ordinis.

Idem quod supra præscribitur secularibus congregatis ad administranda bona Societatis Rosarii, & SS. Nominis Jesu.

De Processionibus a supra prædicti Ordinis Fratibus peragendis, Confirmantur nonnullæ Pontificum Constitutiones.

tingit, Motu, scientia, & auctoritate similibus, volumus, & mandamus, quod Fratres prædicti non teneantur accedere, nisi ad Processiones sequentes: ad illam scilicet, quæ fit in die Corporis Christi: illas, quæ sunt in Litanis majoribus, & Rogationibus: & alias, quæ pro bono, causa, aut honore publico, ab Episcopis indicentur, juxta Decretum generale anni 1628. Circa quas tamen non intendimus aliquid innovare pro illis Conventibus, & Locis, in quibus ex Apostolica dispensatione, Decreto aliquo Congregationum S. R. E. Cardinalium, vel consuetudine; Fratres ad omnes, vel aliquas Processiones accedere antehac non tenebantur, aut non consueverunt: quos immo in hoc ipso nullatenus posthac turbari volumus: eaque Indulta, & Consuetudines pro iisdem confirmamus, innovamus, & de novo concedimus, ipsis Apostolicæ firmitatis robur addentes, sublatis quibuscumque Decretis Congregationum, consuetudinibus etiam centenariis, ac immemorabilibus, nec non pactis, & conventionibus, ac cæteris contrariis quibuscumque.

Confirmatur & declaratur quoddam Indultum eidem Ordini concessum super Altaribus privilegiatis.

§. 19. Aliud quoque Indultum ipsi Ordini per Nos concessum in Literis datis 22. Septembris 1724. & incipien. - *Exponi Nobis* - circa Altaria Privilegio affecta non solum, ut supra, confirmamus, & innovamus, & de novo concedimus, verum præterea declaramus, accipiendum juxta alias Literas Clementis IX. - *Quum fel. rec. Alexander PP. VII.* - emanatas sub 23. Septembris 1669. ita, quod Missæ secundum tenorem Literarum nostrarum prædictarum a Fratribus Prædicatoribus celebratæ, intelligantur, & sint eodem Privilegio affectæ, non sint Defunctorum, sive sint ex obligatione, sive ex devotione, quotiescunque Missæ Defunctorum celebrari non possit.

Item aliud Indultum circa translationem Indulgentiarum in translatione festivitatum ejusdem Ordinis.

§. 20. Illud Indultum Ordini Prædicatorum alias impartitum a Leone X. in Constit. - *Exponi Nobis* - 23. Julii 1518., quod scilicet quoties Festivitates Ss. Dominici, Petri Martyris, Thomæ de Aquino, & Catharinæ Senen., & Octavarum earundem celebrationes qualibet ex causa, etiam extra tempus Interdicti transferrentur, etiam Indulgentia, Ecclesias visitantibus in Festivitatibus hujusmodi, & per earum Octavas pro tempore concessa, ad tempus celebrationis hujusmodi sint, & censentur translata, auctoritate Apostolica approbantes, innovantes, & de novo concedentes, ut supra, pari ratione extendimus ad alias Festivitates aliorum ejusdem Ordinis Sanctorum Fastis adscriptorum, vel in posterum adscribendorum, & ad Festum omnium ipsius Ordinis Sanctorum quod die 1x. Novembris celebrari solet, atque ad Octavas, & Indulgentias pro eisdem a Prædecessoribus Nostri, vel a Nobis hætenus concessas, ac quandocumque concedendas: ac etiam ad Festum, & Octavam Sanctissimi Rosarii quoties ob occurrentes majores Festivitates, vel alias causas transferri contingat.

Necnon Facultas concessa Prælati Ordinis absolvendi, & dispensandi sibi subditos fratres, & sorores a quibuscumque casibus, etiam refervatis.

§. 21. Facultatem quoque datam a sæpedito Sancto Pio V. in Constitutione cxxxii. - *Romani Pontificis circumspècta benignitas* - 21. Julii 1571. Prælati Ordinis, absolvendi sibi subditos Fratres, ac Sorores, & cum eis dispensandi, sicut absolvere, & dispensare possunt Episcopi cum eorum Clericis ex *Decret. Concil. Trident. sess. xxiv. cap. vi.*, interdicto tamen penitus iisdem Fratribus, & Sororibus usus Cruciatæ, sive alterius cujuscumque Privilegii, ad eligendum sibi Confessarium, & obtinendas ejusmodi dispensationes, & absolutiones, quem usum etiam provide interdixerunt Clemens VIII. Constitutione lxxiv. - *Romani Pontificis* - 23. Novembris 1599., & Urbanus VIII. Constitut. *Cum in specula* - 19. Junii 1630. iisdem Prælati confirmamus, ut supra, innovamus, & quatenus opus est, de novo concedimus. Ac insuper at-

tendentes, Julium II. Prædecessorem Nostrum in Constitutione - *Exponi Nobis* - inferius referenda, decrevisse, quod omnes Prælati Ordinis Prædicatorum, quibus antea a Sixto IV. in Constitutione vii. - *Regimini* - Kal. Januarii 1474. §. 4., & in alia incipien. - *Quoniam omnes* - 28. Maji 1481. concessa fuerat potestas absolvendi, & dispensandi suos Subditos in casibus Sedis Apostolicæ reservatis, etiam in Bulla Cœnæ, & Gregorium IX., Innocentium IV., Alexandrum IV., Clementem IV., Bonifacium VIII., ac successive alios Prædecessores Nostros, ut Religiosorum excursibus; Ordinis decori, ac Superiorum auctoritati provide occurrerent, amplam iisdem Prælati Ordinis circa sibi subditos Fratres, & Moniales, facultatem dedisse, ut super casibus, & censuris eidem Sedi alias reservatis absolverent, & dispensarent. Confirmamus quoque, innovamus, de novo, ut prædictum est, concedimus, atque decernimus, & declaramus, prædictos Ordinis Prælatos absolvere posse Fratres, & Sorores sibi subditos, & subjectas ab omnibus, & singulis casibus, & censuris Sedi Apostolicæ etiam per Bullam Cœnæ reservatis, exceptis dumtaxat illis, quos laudati Sixtus IV., & Julius II. in præmissis eorum Constitutionibus excipiendos fore voluerunt; eosque dispensare posse super quavis irregularitate, ex homicidio voluntario orta dumtaxat excepta; Possit tamen solus Magister Ordinis ab irregularitate hujusmodi dispensare cum Fratribus ibi subditis, dummodo homicidium non fuerit appensatum, & intra Claustra extiterit consummatum.

§. 22. Animo quoque repetentes, a Sede Apostolica fuisse concessa quamplura privilegia circa absolutionem, relaxationem Juramentorum, & Votorum commutationem, pro Confessariis Ordinis prædicti quoad personas sæculares, ac præcipue spectantes ad Societates supramemoratas, ad tollendas super hoc quascumque dubietates ex diversis prædictæ Sedis, juxta temporum, & circumstantiarum diversitatem provide emanatis dispositionibus, atque ex Auctoritate in diversa abeuntium opinionibus subortas, volumus, sancta in prædicta Const. Clementis VIII. incipien. - *Quacumque a Sede* - ab omnibus, circa quaslibet personas inviolabiliter observari. Bene verum est, quod circa personas prædictis Societatibus adscriptas intelligimus, prout volumus, & de Apostolica benignitate indulgemus, concedimus, & declaramus; ut a Confessariis Ordinis Prædicatorum absolvi, eorumque juramenta relaxari, ac Vota commutari, sicut de Confratribus, & Confratribus Rosarii, supra diximus, & concessimus, possint, ac valeant; pro Societate quidem Sanctissimi Nominis Jesu in primo anni, & tribus immediate præcedentibus diebus, juxta superius innovatas Constitutiones Pii IV. - *Injunctum* - & Gregorii XIII. - *Alias fel. rec. Pius PP. IV.* - Pro aliis vero Societatibus in Festo præcipuo ipsarum, & tribus diebus tale Festum immediate antecedentibus. Et circa reliquas personas sæculares Societatibus minime adscriptas, iisdem Confessariis Ordinis concedimus, ut easdem ab aliis prædictæ Sedi reservatis casibus, & censuris absolvere, eorumque Vota commutare, ac juramenta solvere, juxta privilegia, quæ ipsorum, aut alii ex inferius recensendis, sive alteri cuicumque Regularium quocumque nomine nuncupatorum Ordini, Congregationi, aut Societati ab Apostolica Sede concessa esse, nec abrogata fuisse constiterit, possint ac valeant.

§. 23. Circa audientiam vero Confessionum Secularium personarum quarumcumque servandus erit tenor Constitutionis CXXXIII. S. Pii V. - *Romani Pontificis providentia* - 8. Id.

Statutum ut nonnulla circa privilegia absolvendi, & relaxandi Juramenta, & vota commutandi pro Confessariis Ordinis quoad personas sæculares.

Circa approbationem audientium Confessionum secularium personarum.

Augusti 1571. §. 2., qua nimirum cavetur, semel approbatus previo examine ab Episcopo, ab eo iterum examinari non debere, necnon Constitutionis VII. Clementis X. incipien. - *Superna* - §. 6., qua disponitur, cunctis Fratribus unius Conventus simul adimi non posse facultatem, Confessiones audiendi, inconsulta Sancta Sede.

Confirmatur porro Indulta quocumque eidem ordini concessa quoad verbi De prædicationem.

§. 24. Memores porro quantum ex prædicatione Verbi Dei Catholica Religio incrementum reportaverit, & quantum proinde meritum sibi comparaverint Fratres hujus Ordinis, quos perinde Sedes Apostolica ab incumbulis ejusdem Ordinis præclaro nomine *Prædicatorum* insignivit, Indulta desuper a Prædecessoribus Nostri concessa pro insertis habentes, atque Fratribus ipsis quamplurimum confirmantes, innovantes, ac de novo concedentes, Motu, scientia, & potestate prædictis confirmamus, facultatem prædicandi Verbum Dei, ad normam tamen *Concilii Tridentini sess. xxiv. cap. iv.* & declarationis S. Pii V. in Constitutione. - *Esti mendicantium* - & - *Ad hoc Nos Deus* - §. 8., quam declarationem intelligendam esse volumus ubi pro habendis ad seculares Concionibus Episcopus non contradicat alicui determinato Fratri propter particularia motiva. Ad hæc declaramus, mandamus, & decernimus, ut supra; quod iidem Fratres ex Altari, aut suggestu in Ecclesiis, sive Oratoriis Ordinis devotionem Sacri Rosarii potissime, tanquam ejusdem Ordinis insignie Patrimonium, ejusque Indulgentias, sicuti & cæterarum Societatum in ipsis Ecclesiis, aut Oratoriis erectarum, aut deinceps erigendarum, nullatenus petita ab Ordinario loci licentia, promovere, & prædicare libere, ac licite possint, ac valeant. Privilegia quoque Missionarii Ordinis etiamnum hodie cum tanto vitæ discrimine, & Animarum fructu inter barbaras nationes in Siniis, Tunkino, Armenia, Americanis Insulis, ac alibi Fidem Catholicam strenue propagare pergentibus, concessa ante, & post Joannem vulgo XXII. in Constitutione. - *Quum sit hora* - 3. Id. Novemb. 1321. a Sede prædicta, Indulgentias insuper omnes, ac cæteras quascumque gratias, pro insertis habentes, iisdem in Domino, ut supra, confirmamus, innovamus, ac de novo concedimus, & elargimur.

Necnon privilegia Missionarii Ordinis.

De Sacramentis administrandis, & sepeliendis famulis, aliisque in Conventibus dicti Ordinis.

§. 25. Famulis vero commorantibus in obsequiis Ordinis Prædicatorum, ut Fratres ejusdem quævis Sacramenta etiam in Paschate, & in mortis articulo ministrare, eorumque Cadavera, quum obierint, in ipsorum Cæmeteriis sepelire, inconsulto profus, ac etiam renuente Parocho, pariformiter concedimus, ac elargimur, juxta Literas Innocentii IV. - *Qui Deum tota mente diligitis* - 3. Non. Febr. 1244. confirmatas ab Alexandro IV. in *Mari magno* - a Gregorio XI. in Bulla similiter incipien. - *Qui Deum* - & a Nicolao V. in Bulla. - *Iustus, & honestis* - pridie Kal. Aug. 1448., & Innocentii VIII. in Constitutione incipien. - *Exponi Nobis fecistis* - 23. Octobris 1487. Et hæc quidem omnia extendi volumus, & mandamus ad eos, quos devotione, vel casu aliquo in Conventibus Ordinis infirmari, sive etiam mori contingat.

Insuper confirmatur facultas superioribus dicti Ordinis indulta benedicendi Vestimenta Ecclesiastica, aliaque.

§. 26. Insuper facultatem indultam Superioribus quibuscumque etiam Localibus Fratrum Prædicatorum, benedicendi quocumque Vestimenta, aut Paramenta Ecclesiastica, in quibus non intervenit Unctio, a Bonifacio IX. in Const. - *Sacra Religio* - 5. Kal. Maji 1402., ab Innocentio VIII. loco statim referendo, & a S. Pio in Brevi incipien. - *Volentes iis* - 25. Junii 1571.: Solemniter, & juxta ritum Ecclesiæ, aqua prius a Catholico Episcopo benedicta, reconciliandi polluta Ecclesiæ, Cæmeteria, aut Claustra a Clemente V. in Bulla edita 8. Idus

Martii 1307. & ab Innocentio VIII. per Bullam. - *Benignitas* - 1484., & a S. Pio V. in Brevi edito 16. Junii 1569. eidem Ordini, ejusque Superioribus prædictis motu, scientia, & auctoritate similibus, confirmamus, & innovamus, & respectively declaramus, prædictis Superioribus esse præterea permissum aqua, ut supra, ab Episcopo benedicta, novas Ecclesias, nova Cæmeteria, Capicula, Claustra, & Oratoria benedicere, & hæc omnia etiam de novo concedimus, & elargimur; hoc amplius, quod ubi Diocesanus Episcopus renuere aquam a se benedictam concedere, possint, & debeant licite, & valide iidem Fratres a quocumque Catholico Episcopo aquam in ejus Diocesi benedictam ad prædicta præstanda accipere, & ad sportare.

§. 27. Quia vero ad aures Nostras pervenit, non obstante nostra, ac etiam novissimi *Romani Concilii* per Nos habiti *Tit. v. Cap. 11.* sententia, quod *Regulares vigore suorum Privilegiorum tuto, & absque novo Indulto Apostolico extra tempora sacris initiatur*, etiam post Decreta Concilii Tridentini, a nonnullis etiam Episcopis in dubium revocari, an inter tales Regulares, licet indefinite nominatos, recenseri debeant Fratres prædicti Ordinis Prædicatorum, Motu, scientia, & auctoritate prædictis, declaramus, eisdem Fratres ex nostra, ac etiam dicti *Romani Concilii* definitione eodem Privilegio frui, ac potiri posse, & debere; & quatenus opus sit, pariformiter dispensantes super quacumque contraria dispositione, de novo illud idem privilegium pro singulari nostra erga prædictum Ordinem, intra cujus dilectissimum finem adhuc versari gloriamur, dilectione, iisdem Fratribus signanter, specificè, & individuo concedimus, quatenus a Diocesano, eoque renuente, aut non valente, a quocumque Catholico Episcopo Ordines extra Tempora suscipere, & Episcopi ipsis conferre, libere, & licite valeant juxta declarationem S. Pii V. in Bulla. - *Esti mendicantium* - Decretum Clementis VIII., & uberius explicata in dicto Concilio Romano Nostro *Tit. v. Cap. 1. & Tit. XXI. Cap. 11.*

Declaratur Fratres Prædicatorum extra tempora sacris initiari posse.

§. 28. Recolentes quoque quantum Monialium directio, & Clausura debeant præclaro huic Ordini, & in primis quidem celeberrimo ejusdem Patriarchæ S. P. Dominico, utriusque in hac ipsa Alma Urbe nostra Institutori; Ac attendentes, Clementem IV. in Constitutione. - *Affectu sincero* 8. Idus Februarii 1267. Apostolica sollicitudine commendasse Filiis tanti parentis curam illam Monasteriorum, quam pridem a se abdicaverant, ut uberius, & feliciter insisterent Ministerio Verbi, facta ipsis plenissima potestate, eisdem Sanctimonialibus visitandi, corrigendi, earumque Confessiones non solum per Magistrum Ordinis, & Provinciales, sed etiam per alios Fratres idoneos audiendi: Bened. XI. ejusdem quoque Ordinis in Constitutione. - *Sacra vestra Religio* 3. Kal. Martii 1304. eisdem Moniales a Jurisdictione cujuscumque extra prædictum Ordinem existentis exemisse, quod Sanctus Pius in sua Constitutione. - *Esti Mendicantium* aliique consequentes Pontifices confirmarunt, ac ipsa *Tridentina Sinodus* ratum habuit *Sess. xxv. cap. 1x.*, omnia hæc supradictis motus, scientia, & potestate confirmantes, innovantes, ac quatenus opus sit de novo concedentes decernimus, & declaramus. Jurisdictioni Prælatorum Ordinis subesse etiam Puellas educationis causa, aliaque Mulieres ex legitima dispensatione introductas, & degentes in Monasteriis ejusdem Ordinis Monialium exemptis, & respectively subiectis, ut supra Prælati dicti Ordinis; Et ita pariter mandamus, & declaramus, Fratres Confessarios in Ordine approbatos (circa quam approbationem Nos quoque Prælatorum Ordini

De Monialium directione, ejusdem Ordinis Fratribus de mai. 23. eorumque Confessoribus, confirmantur quæ ab aliis Pontificibus statuta fuerunt.

conscientiam summopere in diem Domini oneramus) & ab Ordine ipso de more ad Monialium sibi subjectarum Confessiones audiendas destinatos, Locorum Ordinarii debita reverentiam acque in iis, quæ per Concilium Tridentinum, & Sedem Apostolicam circa Monasteria exemptorum delegata auctoritate ipsis Ordinariis commissa sunt, neque nostræ huic Constitutioni contrariantur, quantum in Domino poterunt manus adjuvantes adhibere, nullatenus vero ab eisdem Ordinariis examinandos esse pro prædictarum Monialium Confessionibus audiendis, quemadmodum nec examinari debent, neque examinantur ab ipsis pro Fratrum Ordinis Confessionibus excipiendis, tamen quandoque contra eosdem prædicta delegata auctoritate procedere possint, ac valeant; multo autem minus Superiores, sive Locales, sive Provinciales, sive etiam Magistrum ipsum Ordinis, qui ex prædicta Apostolica commissione Deo plenam reddidit rationem de sibi subjectis Monialium animabus; ut sic illæ, ac custodito veluti primario potestatis Spiritualis caractere, quemadmodum alias ligare possunt, ac ligant, ita etiam libere solvere possint, ac valeant sibi subjectarum animarum conscientias, si ab ipsis quandoque sese Sacramentaliter auditu postulaverint, quod plane alias, aut nullo modo, aut ægre admodum præstare possent; non obstantibus Constitutionibus Gregorii XV. - *Inscrutabili*, & Clementis X. - *Superna*, ac Decretis Congregationis Concilii, aliisque quibuscumque in contrarium facientibus, quibus plenissime derogamus.

Decernuntur quædam alia quoad prædictas Moniales.

§. 29. Iisdem omnibus, & singulis Superioribus, atque ab ipsis delegatis Fratribus, Prædicationem Verbi Dei pro Monialibus sibi subjectis liberam esse debere, Superioribus quidem profusus, & omni modo, Delegatis vero Religiosis cum Superiorum eorum missione, & benedictione. Administrationem temporalem ad Monialium, non raro per Seculares deturbata cum evidenti Monasteriorum detrimento, volumus pertinere ad Superiores Ordinis, prout uberius infra disponetur. Circa accessum etiam extraneorum ad Moniales, & Monasteria sibi subjecta, prædictos Superiores posse, ac debere Jurisdictionem suam secundum Apostolicas Sanctiones tueri; salva in reliquis Jurisdictione jure delegato Episcopis competente; quibus tamen auctoritate Apostolica penitus interdiximus, ac prohibemus, ne circa Visitationem Clausuræ ultra facultates a Concilio sibi factas, & concessas, ullatenus sese extendant, neve ejusdem obtentu in iis, quæ Ordinis Superiorum sunt, se intromittant. Si vero Moniales ipsæ servare renuant, quæ pro observantia Regulari exacte manutenenda a Superioribus Ordinis mandata fuerint, istis plenam inesse facultatem eadem Monasteria libere dimittendi ex Apostol. Lit. ad Vicarium Generalem Lombardiæ - *Exponi Nobis* - Dat. a Leone X. 6. Novembris an. 1515. quas hic pariformiter confirmamus, innovamus, ac ad totum Ordinem extendimus. Eisdem demum Monialibus, sicuti, & Fratribus Novitiis in articulo mortis ante emissam Professionem constitutis, integrum esse frui, & potiri Indulto S. Pii V. in Constit. CIX. - *Summi Sacerdotii Cura* 23. Aug. 1570.

Recententur Constitutiones Romanorum Pontificum, qui Doctrinam Angelici Doctoris laudibus extulerunt, quæ, & confirmantur.

§. 30. Quum autem silere Nos minime deceat de Doctrina Angelici Doct. S. Thomæ Aquinatis, cui ipsemet Ordo salubriter insisit; ignoramus plane quibus illam laudibus pro magnis suis in Ecclesiam meritis extollamus. Satius ergo ad absolutum illius præconium putamus commemorare, ipsam ex Salvatoris Crucifixi ore, sicuti pie testatur historia, fuisse probatam, & constanti Summorum Pontificum testimonio Orthodoxis commendatam Populis. Hoc potif-

finum suis Constitutionibus, & Literis Apostolicis præstiterit Joannes vulgo XXII. in Constit. xx. cujus initium - *Redemptionem misit* - 15. Kal. Aug. an. Domini 1323. Clemens VI. Constit. - *In Ordine* 8. Idus Febr. 1344. Urbanus V. in Diplomate - *Copiosus*, & *laudabilis* dat. 10. Kalen. Julii, & prid. Kal. Sept. 1368., S. Pius V. xxxvi. *Mirabilis Deus* 3. Idus Apr. 1567., Sixtus V. lxxvi. *Triumphantis* prid. Id. Martii 1588., Clem. VIII. *In quo Nos*, & *Quantum professe* 22. Nov. 1603., & *Sicut Angeli*... Paulus V. *Splendidissimi*: 17. Decemb. 1607., & Alexander VII. *Literas* 7. Augusti 1660.; Equum vero erat, ut Angelica Doctrina tanti Doctoris non vulgaribus efferretur encomiis, quæ Solis instar Mundum universum illustrans uberrima Christianæ Ecclesiæ bona peperit, paritque in dies singulos multiplici fructu, Supremo Apostolicæ Sedis Magisterio adversus quoscumque veteres, ac recentes errores, quos revincit, fidelissime famulans. Eadem nos quoque diuturnis, atque assiduis ferre experimentis probe noscentes per alias peculiarias nostras Literas incipien. - *Demissas preces* - Dat. 6. Novemb. 1724. calumnias, ejusdem Angelici Doctoris, & S. Augustini doctrinæ temere irrogatas retundimus, & prout rei gravitas exposcebat, auctoritatis nostræ præsidio eliminavimus. Luculentius vero æstimationis argumentum in ipsam S. Thomæ Doctrinam nunc edituri, quo magis, magisque Prædicatorum Ordo, cæterique Orthodoxi, ac veri ipsius Sectatores ad illius sinceram, & tutam professionem inflammentur, prædictas omnes, & singulas Decessorum nostrorum Constitutiones, Literas, seu, ut vocant, Brevia, necnon omnia, & singula in eis contenta, suprema, qua fungimur, auctoritate, motu, scientia, & deliberatione præmissis comprobamus, & rursus quatenus opus fuerit, cum ipsismet editis nuper a Nobis Literis innovamus. Ut autem turbulenti, ac pertinetes tranquillitatis Ecclesiæ Catholicæ perturbatores desinant Orthodoxam S. Thomæ Doctrinam calumniari, ac ne deinceps præposteris, & a veritate alienis interpretationibus Apostolicas ipsas Literas nostras, non sine aperta, ut accipimus, verbis nostris, ac etiam Decessorum Nostrorum irrogata violentia, tam Prædicatorum Ordinem, quam alios veros illius Asselas, & Sectatores incessere audeant, Constit. 98. quæ incipit - *Pastoralis Officii* - fel. rec. Clem. XI. omnibusque in ea contentis firmiter inhaerentes, sub divini Interminationis Judicii, iterumque sub canonicis penis omnibus, & singulis Christianidelibus mandamus, ne Doctrinam memorati S. Doctoris, ejusque insignem in Ecclesia Scholam, præsertim ubi in eadem schola de Divina Gratia per se, & ab intrinseco efficaci, ac de gratuita Prædestinatione ad Gloriam sine ulla meritum prævisione, agitur, ullatenus dicto, vel scripto contumeliose impetant, ac veluti consentientem cum damnatis ab Apostolica Sede, & signanter a Constit. 64. d. fel. rec. Clem. XI. incipien. - *Unigenitus* -; Janfenii, Quesnelii, & aliorum erroribus, traducant; a quibus S. Thomas, & vera Schola Thomistica quam longissime abest, & absuit, universis tam antiquis, quam nunc Christi Ecclesiam vexantibus hæresibus, & perniciosis assertis adversans. Damnamus item Folia, Theses, & Libros antehac Typis impressos, vel etiam, quod Deus avertat, imprimendos; in quibus ad procreandam, seu fovendam doctrinam S. Thomæ, Prædicatorum Ordini, aliisque genuinæ Thomisticae Doctrinæ Assellis invidiam, designatæ, atque damnatæ a Nobis calumniæ assertive renovantur, vel in aliam a germana prædicarum nostrarum Literarum sententia, sive Decessorum nostrorum mente, honorifica, atque favorantia Doctrinæ Thomisticae verba fallacissime detorquentur.

Præscribitur omnibus Christianidelibus, ne S. Thomæ doctrinam prædictam contumeliose impetent. Damnantis etiam libris in ejusdem Doctrinæ calumniis conscriptis.

Deum

Deum veritatis, & pacis enixe rogantes, ut ad majora Gloriz suæ incrementa creditus Nobis Populus non minus tradita a tanto Magistro salutari Doctrina, quam ipsius innocentium morum, & illustrium virtutum imitatione proficiat.

De privile-
giis Adole-
scentium Se-
cularium in
prælaudati
Doctores stu-
diis insignio-
ribus.

§. 31. Ne autem Adolentes Seculares a prælaud. Divini Doctores Schola deterreri contingat, ex quo nullum in ea præmium, nulla expedita via pateat ipsis per Theologicas disciplinas ad dignitates illas, quæ solis Lauream, Licentiam, vel Gradum in Theologia consequutis conferri debent, ac possunt; Motu, scientia, & potestatis plenitudine, ut supra, ad universa insigniora Studia, Generalia, Collegia, Studia quoque, ut dicunt, formalia, & ea, quæ ad minus quatuor consent actualibus, & ex his duobus, ut minimum in Theologia Lectoribus in quibuscumque provinciis Ordinis prædicti erecta, vel erigenda extendentes concessionem factam a Gregorio XIII. Fratribus ejusdem Ordinis Provinciæ S. Antonini de Novo Regno in Civitate S. Fidei, relatum, & confirmatam per Paulum V. in suis Literis incipien. - *Militantis Ecclesie* - prid. Non. Sept. 1612., & Innoc. X. in ejus Constit. - *In supremo* - 10. Kal. Martii 1644., necnon privilegia omnia, & singula Apostolica in id concessa prædictis Fratribus ad omnia prædicta Studia, Conventus, & Universitates extendimus, & prorogamus, decernentes, ut post ementum certum, nec unquam minus quam duorum annorum, stadium, ad percipiendam Sac. Theologiæ juxta inconcussa, & tutissima S. Thomæ Dogmata intelligentiam accommodatum, a Studiolorum illorum Moderatoribus, sive Lectoribus, numero, & procedendi ratione ipsis per Magistrum Ordinis præscribendis, ac nunc pro tunc a Nobis auctoritate Apostolica, ut prædictum est, confirmatis, post præmissas Scholasticas exercitationes publicas, vel privatas juxta Regionum approbatas consuetudines, vel methodum ab eodem Magistro præscribendam, ac præmissis diligentis examine, Laurea Doctoralis, sive Magistralis, Præsentatura, ac Licentia, sive Gradus Baccalaureatus, ac alii consueti in S. Theologia (quos quidem pari Apostolica auctoritate Motu, & scientia idem valere, ac acceptari ubique debere, perinde ac si conferrentur in Academia Romanæ Sapientiæ, Salamantina, aut Parisiensis, vel alia quacumque insigniori, declaramus, decernimus, & volumus) libere, ac licite conferri possint, ac valeant Scholaribus secularibus, Studentibus in insignibus Civitatibus, aut Locis, in quibus ad eorum Scholam juvenes seculares accedere permittuntur, idque tametsi ibidem alias publica pateat Universitas, hoc dumtaxat casu præstitis per divites, a tali solutione de cætero non exemptos, consuetis Universitatis Juribus: ubi etenim Juvenes per Examinatores præfatos idoneos repositos Officiales Universitatis ad eisdem Gradus promoveri renuerint, poterunt ad gradus prædictos promoveri Lectores, & Magistri præfati nostri Ordinis. Illudque quam maxime concedimus, volumus, decernimus, & mandamus, pro Locis, in quibus Secularibus Doctrinæ D. Thomæ, prout in hujus receptissima Schola tradita, Gradus ultro non pateant.

Confirmantur quoque, & innovantur quæcumque facultates concessæ Magistro Generali, aliisque Prælati, ac Provinciis Ordinis præfati.

§. 32. Magistro quoque Ordinis pari ratione confirmamus, & innovamus, ac concedimus facultatem idem a Sancto Pio V. in Constit. sua - *Quum Sacer Ordo Prædicatorum* - Nonis Martii 1572. amplissime concessam, ut possit ex sibi subiectis Fratribus quemcumque ad Gradus certa ratione promoveri. Eidem similiter, & Provincialibus confirmamus, & concedimus, juxta aliud Indultum S. Pii V. incipiens - *Debitum Pastoralis* - 21. Martii 1571., ut in unaquaque Provincia deputare possint, ac valeant Fratres

Ordinis in Notarios pro executione mandatorum Apostolicorum. Et generaliter quæcumque, & cujuscumque generis gratias, Indulta, Privilegia, præminentias, facultates; a Sede prædicta Ministro Ordinis attributa etiam ex Ordinis Constitutionibus, & Ordinationibus Comitiolorum Generalium, & nominatim habitorum in Alma Urbe anno 1629. Denunc. III., auctoritate Apostolica, quæ omnia hic similiter pro insertis habentes, confirmamus, innovamus, & ut præfertur concedimus, non obstantibus Brevibus Apostolicis Clementis X. - *Ad Apostolicæ* - 5. Sept. 1675., & Innocentii XI. - *Quum non alias* - 6. Octobris 1679., Procuratori etiam Generali, & signanter concessa, & confirmata ab eodem Urbano VIII. in aliis suis Literis - *Exponi* - 3. Decembris 1635. Cum excommunicatione latæ Sententiæ, Magistro Ordinis, aut ejus Vicario Generali reservata, contra Fratres, & absolute ab Officiis ipso facto incurrenda contra Prælatos ejusdem Ordinis, qui per se, vel per alium, eodem Procuratore Generali inconsulto, in Romana Curia negotium aliquod tractare ausi fuerint: ac deinde Provincialibus, ac cæteris quibusvis Ordinis prædicti Prælati, & Superioribus, Indulta quoque, & quomodocumque elargita Provinciis, & signanter spectatissimæ Nostræ utriusque Lombardiæ, ac etiam Monialium Monasteriis amplissime confirmamus, innovamus, ac de novo concedimus.

§. 33. Pro Fidelibus utriusque sexus militantibus sub Tertio Ordine *Penitentium S. Dominici* nuncupato Gregorio IX. in Constit. - *Dei estanda* - Kal. Apr. 1228., Honorius IV. in Bul. - *Congruum existimantes* - 5. Kal. Febr. 1286. Joannes vulgo XXII. - *Quum de Mulieribus* - Kal. Junii 1326., Bonifacius IX. in Constit. - *Humilibus, & honestis* - 15. Kal. Febr. 1401., Innoc. VII. in Bulla confirmationis Regulæ ejusdem Ordinis incipien. - *Sedis Apostolicæ* - 6. Kal. Julii 1405. Eugenius IV. in consimili Constit. - *Provisionis nostræ* - pridie Idus Maji 1439., Sixtus IV. in Constit. - *Sacrosancta* - 3. Non. Oct. 1475., Alexander VI. - *Considerantes* - 30. Sept. 1465., Julius II. - *Considerantes* - 14. Decembris 1509. - *Exponi Nobis fecisti* - 27. Febr. 1510., Leo X. - *Dum intra mentis* - 19. Decembris 1516., & - *Nuper* - 1. Martii 1518. Paulus III. - *Exponi Nobis nuper fecisti* - 26. Julii 1542., necnon S. Pius, Clemens VIII., Urbanus VIII., alique Prædecessores Nostræ per suas Literas mox referendas peculiaribus Indultis, & Privilegiis dictum Ordinem approbarunt, & personas, domos, Alcesteria, ac bona exemerunt ab Ordinariis Locorum. Et Nos hujusmodi omnes, & singulas Literas, Gratias tam spirituales, quam temporales, Concessionem, Exemptionem, Indulta, ac cætera quæcumque, cujuscumque generis, & nominis, spiritualia, & temporalia Privilegia plenissime confirmamus, & innovamus, & ubi opus sit de novo concedimus; præcipue pro Christianis Fidelibus utriusque sexus, qui collegialiter, aut in Claustris vivunt, aut solum votum perpetuæ castitatis emittunt, nec degunt collegialiter, sed in propriis Domibus, vel cum affinis, & Consanguineis, dummodo habitum Ord. gestent, & Altissimo sub Regula, & Instituto d. Ordinis Tertii caste, & pie famulatum præstent. Contrariis quibuscumque non obstantibus, & præcipue Concilio Lateranen. 3. quibus omnibus in hac parte Motu, scientia, & potestate similibus amplissime derogamus. Hujusmodi vero Institutum tanquam sanctum, meritorium, & Christianæ perfectioni conforme, necnon tanquam verum, & proprium Ordinem, præcipue ex collegialiter, aut cum Claustralibus, aut in Domibus Consanguineorum, sive propriis sub solo, & simplici voto inviolabilis castitatis, cæterisque modo, forma, habitu, Novitiu,

Confirmantur pariter gratiæ omnes concessæ Tertio Ordini Penitentium S. Dominici.

Idemque veteris Ordo Regularis declaratur.

Professione, ac Regula viventibus compositum, & consequenter ab omnibus Confraternitatibus, de quibus agitur in Constitutione san. me. Clementis Papæ VIII. omnimode distinctum, sicut sunt cæteri Ordines tum Regulares, tum Militares, & alii hujusmodi, fuisse, & esse decernimus, ac declaramus: Motuque simili Regulam a prædictis Inn. VII., & Eug. IV. confirmatam juxta præmissa, & inferius disponenda, denuo approbantes confirmamus, eique Apostolica auctoritate perpetuum firmitatis robur adjicimus.

Approbatur quoque Constit. omnes, quibus concessa fuit Magistro Generali Ordinis Prædicatorum, aliisque superioribus suprema auctoritas in præfato Tertio Ordine.

§. 34. Omnes insuper Apostolicas concessiones, quibus assera fuit Ordini Prædicatorum, ejusque Generali Magistro, Provincialibus, cæterisque aliis substitutis Superioribus, præminentia, auctoritas, & Superioritas super præfati Instituti Fratribus, & Sororibus prædictis quibuscumque, approbamus, confirmamus, ac perpetuæ firmitatis robur obtinere volumus, decernimus, atque mandamus, & quatenus opus sit, eisdem præminentiam, auctoritatem, & Superioritatem de novo concedimus. Attendentes præterea per Prædecessores Nostros Innocentium VII.; & Eugenium IV. fuisse approbatam Regulam prædictam, ejusque Caput xx., atque animadvertentes, primos Alumnos præfati Ordinis habitum, ac vivendi normam ab ipso B. Dominico suscepisse, ejusque præcepta executioni mandasse, eidem Generali Magistro privative quoad alios quoscumque confirmamus, ac si opus est, de novo concedimus, ut possit per se, vel per sibi subiectos Fratres quoscumque facultate opportuna, ac necessaria instructos, Personas ad dictum Ordinem, juxta ipsius Statuta recipere, habitu donare, atque elapso debito probationis tempore ad professionem recipere, itaut Personæ quæcumque aliter receptæ, nec sint, nec intelligantur ullo modo præfati hujus Tertii Ordinis, neque ullis ejusdem Privilegiis, ac Indultis potiuntur, nisi pro peculiaribus Personis, & casibus per Nos, & Successores Nostros fuerit expresse desuper dispensatum. Commissarium quoque, aut Visitatorem instituere; Magistrum quoque, Directorem, ac Confessarium ætate, moribus, pietate, scientia, & prudentia gravem concedere, & deputare qui ipsis Ecclesiastica Sacramenta ministret, de præceptis Regulæ instruat, Congregationes, aut Congressus convocet, & in ipsis, sicut in aliis quibuscumque Actibus, & Functionibus præsideat: Necnon, Locorum Ordinariis, & aliis quibuscumque cujusvis status, gradus, & conditionis existant. & quacumque fungantur auctoritate semper exclusis, Congregationes illas, ac Personas Tertii Ordinis, sive Virorum collegialiter, aut in Claustris, sive Mulierum cum expresso Voto, ut supra, vel cum tribus Votis viventium, Domos, Conservatoria, Hospitalia, Monasteria, sive Collegia quæcumque, ac quocumque nomine appellata, Capellas quoque, Oratoria, & Ecclesias pleno Jure visitare, instruere, paterne corrigere; ac reformare, tam in capite, quam in membris ad cassationem usque Mantelli, & Habitus, atque ad ejectionem e Collegio, restituta collata dote, prout de jure, immo etiam ad ipsius Collegii suppressionem, vel saltem ab Ordine abdicationem, pro rerum conditione, & statu procedere: aliaque ad bonum Ordinis præfati regimen, juxta ejusdem Statuta, ordinare, & exequi, quemadmodum sibi in Domino expediens fore videbitur, & quoties sibi libuerit libros, & rationes reddituum, ac bonorum, sive Congregationum, sive Collegiorum quorumcumque, non secus ac Monasteriorum, ac singulorum, sibi pleno Jure subiectorum, atque ab Exactoribus, Agentibus, & Administratoribus quibuscumque rationem reddituum per eos administratorum recognoscere, examinare, ac exigere possit, & valeat. Motu,

scientia, & potestate prædictis dantes plenam facultatem Superioribus Ordinis, prædictos Exactores, Agentes, & quosvis Administratores justa de causa removendi, ac mutandi, ac etiam eorum loco Religiosum quempiam idoneum substituendi.

§. 35. Ut autem prædicta omnia cum spirituali, ac temporali etiam prædicti Ordinis incremento ad normam prædictæ Regulæ exactius observentur ab omnibus, ad quos spectat, & pro tempore spectabit, districtè præcipimus omnibus, & singulis Ordinis Professoribus per totum Orbem existentibus, ac exituris cujuscumque gradus, ac conditionis existant, & præcipue quibuscumque gradibus, & quocumque nomine nuncupatis; collegialiter, aut in Claustris habitantibus, necnon in privatis Domibus, juxta prædicta, cum Voto viventibus, ut quemadmodum eorum Ordo cum Primo Ordine Fratrum Prædicatorum, & secundo Monialium, eundem habet Patrem, & Patriarcham in cælis feliciter regnantem, adeo ut ab Innoc. VII. in Bulla supradicta omnes appellentur *Fratres, & Sorores Ordinis Prædicatorum, qui nuncupantur Fratres, & Sorores de Penitentia S. Dominici*: ita cum utroque illo Ordine unum, eundemque in Terris Successorem B. Dominici, ac totius Ordinis Prædicatorum Magistrum Generalem, deinde Provinciales, ut alios inferiores, ab eodem Magistro Generali de more delegandos tanquam eorum veros, & legitimos Superiores suscipiant, venerentur, ac agnoscant. Ad eos dubia quæcumque circa Regulam, & Statuta referant, eorumque judicio circa eadem dubia sese conforment; maxime quum Regula ad culpam ex se non obliget, sed tantum ad penam, ejusque rationabilis relaxatio sit in manu discreti Superioris constituta: iisdemque privative quoad alios in omnibus concernentibus eorum Ordinem, nec Regulæ Instituto ac præceptis præfatis aperte contrariis, parent, & obediant; quod si secus fecerint, ab iisdem cassari, Habitu spoliari, atque etiam ex Collegiis modo prædicto, donec resipiscant, vel absolute quoque dimitti possint; quemadmodum alias Regulæ ipso cap. 19. pro quibusdam casibus disponit: Insuper, & Collegia ipsa supprimi, ac dissolvi, sin minus dimitti, ac relinqui ab eisdem possint, & valeant, & respectivo nullis Tertiariorum gratiis, & privilegiis gaudere, decernimus, ac jubemus.

§. 36. Ordinis Magistro pro tempore, sicut & Ordini ipsi in Generalibus Comitibus quandoque congregando, quemadmodum injungimus, ut circa felicem statum, ac reformationem, ubi opus esse conspexerint, prædicti Tertii Ordinis, advigilent, ita iisdem relinquimus, confirmamus, & quatenus oporteat, de novo benigne concedimus Jus, & plenam potestatem ad illa circa Regulam prædictam moderanda, reformanda, exponenda, commutanda, ac addenda, quæ pro temporum, locorum, ac personarum opportunitate in Domino judicabunt sic melius disponenda (salva tamen ejusdem Regulæ substantia, & intactis Sacris Canonibus) nunc pro tunc Apostolica auctoritate ejusmodi moderationes, reformationes, expositiones, ac additiones approbantes, atque confirmantes.

§. 37. Deinde quum nonnulla sint Capita, super quibus potissime Tertiarias Personas, sive in Domibus prædictis seorsim, sive etiam in Asceteriis collegialiter Virginalium, aut cælibem, aut castam Vidualem expresso Voto, & sub Habitu, & Regula prædictis vitam traducetes, necnon Fratres Ordinis Prædicatorum ipsas vexari, ad Nos delatum est, ideo expresse declaramus, & volumus. Quod tamen omnes, & singulæ prædictæ personæ summam debeant habere reverentiam Locorum Ordinariis, cæ-

terisque

Præscribitur ejusdem Ordinis professoribus, ut agnoscant in Superioribus præd. Magistrum Generalem, alioque.

Injungitur præfato Magistro Generali ut ejusdem Tertii Ordinis Reformationi advigilet.

Statuuntur nonnulla pro d. Reformatione.

A quorum Jurisdictione Tertiarie personæ exemptæ sint.

terisque Prælati inferioribus, quemadmodum earum quoque Regula præscribit: Atque juxta Decretum Congregationis Venerabilium Fratrum nostrorum S. R. E. Cardinalium Episcoporum, & Regularium consultacionibus præpositæ editum sub die 20. Decembris 1616., ut ad Habitum, & Ordinem recipiantur Virgines, aut Viduæ in privatis Domibus perpetuo mansuræ prius debeant in Curia Ordinarii Loci probare, eas sibi posse de victu, & vestitu sufficienter providere; illasque fore bonis moribus præditas, atque cum nullis aliis viris, quam cum Consanguineis, aut Affinibus in primo tantum gradu, vel illis deficientibus, aut urgente gravi aliqua causa, cum aliis sibi in proximiori gradu conjunctis, aut saltem cum viris perspectæ prohibitæ, vitam traducuras, eas tamen juxta præmissa Tertiarias effectas a cuiuscumque alterius inferioris extra Ordinem Prædicatorum constituti Prælati, & ipsius Ordinarii loci Jurisdictione exemptas esse volumus, & fore declaramus, districteque mandamus, eisque de novo talem exemptionem concedimus. Quantum ad ætatem mulierum ad Ordinem prædictum recipiendarum hac nostra Constitutione perpetuo valitura injungimus, & mandamus, quod nisi in particularibus Asceteriis probata consuetudo vigeat in contrarium, mulieres ad profitendum inter collegialiter perpetuo viventes, non admittantur, nisi tempore Professionis exceßerint annum 18. Quo vero ad eas, quæ in Domibus, ut supra, seorsim cum certis castitatis Voto, Habitu, & Statutis, sunt vitam traducuras; quæ secundum S. Scripturas bonum sit portanti jugum ab adolescentia sua, & Ordo prædictus ex Regula sua vigiliis, jejuniis, pluresque abstinentias habeat juxta referendas; Virginitatis quoque Sponsio placeat sibi cito promissa Virginitas: Plurimæque insignes Virgines prædicti Ordinis de penitentia non solum a teneris annis inviolabili Voto Virginitatem eidem Cælesti Sponsio consecraverint, Habitumque induerint, sed florenti adhuc ætate, simulque ante annum quadragesimum virtutibus maturæ in Cælum evolaverint, quarum agmen ducere potest cælestis Virgo S. Catharina Senensis, de Apostolica Sede adeo benemerita, Motu hinc, scientia, & potestate prædictis indulgemus, & concedimus, ut eadem, quibuscumque non obstantibus in contrarium, post decimum octavum annum, vel etiam in minori ætate juxta consuetudinem locorum libere, & licite recipi, evolutoque probationis tempore profiteri possint, ac valeant: Revalidantes quascumque acceptationes, & Professiones, si quæ forte ex defectu ætatis hæctenus factæ dici possent invalidæ. Habitum uniformitatem, quoad fieri poterit, esse servandam; retineri tamen posse Habitum formam, quæ pro regionum diversitate hæctenus ab eisdem Tertiariis servata est. Licere quoque Mulieribus, quæ emisso Voto seorsim, vel collegialiter Deo vivunt, deferre velum supra caput, quod *Suprajectum* vocant, carbasum pectorale, quod nuncupant *Sottogola*, & Scapulare, seu *Patientiam*.

§. 38. Tertiariis prædictis emisso solo Castitatis Voto collegialiter viventibus haud prohibemus, immo exoptamus in Domino suaderi votorum etiam solemnium emissionem, ipsamque Clausuram, juxta propositum Constitutum. 8. S. Pii V. incipien. *Circa Pastoralis*; in hærentes tamen Literis Apostolicis superius memoratis Julii II., in quibus Tertiariis S. Dominici collegialiter viventibus permittitur emitte tria Vota, declaraturque per hæc ipsa ad Clausuram minime teneri, aut ad Officium Divinum magis, quam ex Regula Tertii Habitibus, ac aliis Clementis IX. *Alias propositis* - 10. Decembris 1667., in quibus Tertiariæ collegiali-

ter viventes, ad clausuram nullatenus compelluntur; Attendentes insuper per annos, ut accepimus centum, & sexaginta ab edita dicta Constitutione Sancti Pii V., & per seculum, & ultra post Decretum Congregationis Episcoporum, & Regularium emanatum 20. Decembris 1616.; ejuscemodi Tertiarias collegialiter viventes pluribus in locis, scientibus, ac tacentibus Ordinariis, floruisse, ac etiamnum florere sine clausura, declaramus, volumus, & mandamus, easdem ad neutram absolute teneri, aut esse compellendas; non obstantibus contrariis ordinationibus, etiam Apostolicis quibus expresse per præsentem derogamus. Licet circa Sacramentorum susceptionem, & sepulturam prædictæ Tertiariæ, certis Habitu, Regula, & Statutis, & sub expresse perpetuæ Virginitalis, aut Vidualis Castitatis Voto sive collegialiter, sive in privatis Domibus, viventes, ex recitatis, aliisque Apostolicis Constitutionibus earum Ordini per S. Sedem directe concessis, vel communicatis, debeant gaudere privilegiis omnibus Ordinis Prædicatorum, cæterorumque Ordinum; earum sexui non repugnantibus, & pleno jure subesse Fratribus, & in primis Magistro Generali ejusdem Ordinis: hisque liceat *authoritate Apostolica Tertiariis illis quando petierint, etiam in die Pasche, sive Festi Resurrectionis D. N. J. Christi, & infra ejus Festi octavam, quam etiam aliis diebus, etiam in mortis articulo, Eucharistia, & alia Sacramenta Ecclesiastica quacumque exhibere, & ministrare etiam in Domibus propriis: Necnon illarum Cadavera ad eorundem Fratrum Ecclesias tumulanda deferre, etiam Parochialium Ecclesiarum Personarum eorundem Rectorum licentia desuper minime requisita, & contradictione qualibet non obstante.* Ne tamen desuper Tertiarias, & respective Fratres Ordinis Prædicatorum indebite molestari contingat, expresse declaramus, & volumus, Tertiarias prædictas de Penitentia S. Dominici sive collegialiter, sive separatim in Domibus, ut prædictum est, viventes cum expresse Voto, a solis Fratrum prædicti Ordinis Prædicatorum, contradictione qualibet, & quacumque consuetudine etiam immemorabili in contrarium non obstantibus, etiam in die Sanctæ Paschæ, & in casu habitualis infirmitatis, etiam pro effectu satisfaciendi præcepto de Communionem Paschali, & in casu mortalis infirmitatis, sive in mortis articulo, Sacram Eucharistiam, Extremam insuper Unctionem absolute recipere posse, & debere; Earundemque post mortem Cadavera (nisi forsan collegialiter viventes habeant, aut sit aliquando legitime habitura in earum Ecclesia, Oratorio, aut Collegio sepulchrum proprium, quo casu per solos Fratres Ordinis sint ibidem sepelienda) ad Fratrum Ecclesiam tumulanda deferri posse, ac debere, & quidem absque interventu, licentia, & requisitione Parochi, nullaque eidem soluta quarta; Et sicuti volumus, quod tam Fratres, quam Tertiarii extra Conventus, & respective Collegia, & Domos obeuntes, debeant Sacramentari, & respective tumulari per Fratres, & in Ecclesiis illorum, ita disponimus, & mandamus quoad Tertiarias prædictas. Præterea declaramus, & volumus, quod Fratres ad ministranda Sacramenta ad Tertiariis utriusque sexus possint, & debeant, ingrediendo limites cuiuscumque Parochiæ cum Cruce erecta, & processionaliter condigne afferre Venerabile Eucharistia Sacramentum, tam in casu gravis, & mortalis infirmitatis per modum Viatici, quam in casu talis infirmitatis, quæ impediatur accessum ad Ecclesiam ditorum Fratrum, pro satisfactione præcepti Paschalis; ac etiam titulo devotionis circa consuetas majores Ecclesiæ solemnitates, & similiter Defunctorum Cadavera ad propriam

A quibus debeant Sacramenta suscipere; & mortuæ Sepulturam.

De ætate ad Ordinem recipiendarum.

De habitu uniformitate.

Suadentur præd. Tertiariis emisso tertium Votum, & clausura, sed tamen ad eam minime eas compelli posse declaratur.

Innovantur Con-
stituciones emanatæ circa
ambitiosos
Ordinis Fra-
tres.

Ac super
corrigendis
excessibus.

Necnon
circa appel-
lationes.

Ecclesiam asportare, etiam invito, & reluctante Parocho, cui tantum licitum sit ministrare Sacramentum in casu repentinæ infirmitatis, quæ spatium non permittat vocandi Fratres prædictos.

§. 39. Ut porro quantum in Domino possumus consulamus indemnitate obedientiæ, Superioribus prædictis ad eorum respectivè Religiosis debitæ, & ut simpliciori via nitantur omnes in semel Deo promissam Regularem observantiam, motu, scientia, & potestate sæpeditis in primis quoad omnia, & singula in eis contenta confirmamus, & innovamus, Constitutiones emanatas adversus Fratres Ordinis ferentes pro extorquendis favoribus ad personas extraneas, nimirum Gregorii XIII. incipientes. -- *Quum nihil magis* -- 5. Junii 1580. Clemens VIII. -- *Religiosos Viros* -- 23. Maji 1592., & Pauli V. *Admonemur* 7. Jan. 1608. Deindeque pro tunc Regulari Disciplina confirmamus, & innovamus Constitut. IV. Bonifacii VIII. -- *Ad augmentum* 6. Id. Maji 1296., in corrigendis etenim, & puniendis excessibus Subditorum volumus, peragendum, *postpositis rimulis, & apicibus Juris secundum consuetudines, & Statuta Ordinis etiam faciendâ.* Ad tollendas vero appellationes quascumque indebitas, ac totam ferme œconomiam Regularis observantiæ enervantes, ac evertentes, nisi retineatur, & servetur ordinata Appellatio a Superiore Locali ad Provincialem, ab eoque ad Generalem, exindeque si fieri possit, ad Capitulum Generale, ac denique ad Sedem Apostolicam, juxta Decreta de mandato Sixti V. edita in Congregatione Episcoporum, & Regularium anno 1587., confirmamus, & innovamus similiter quæcumque hætenus circa appellationes emanarunt ab Apostolica Sede, & præcipue Constitutiones pro eodem Ordine Bonifacii VIII. in præcatis Literis incipientes. -- *Ad augmentum* -- Bonifacii IX. -- *Sacra Religionis* -- 5. Kalen. Maji 1402, Julii II. -- *Exposuisti Nobis* 24. Novembris 1511., ac Leonis X. -- *Romani Pontificis* -- 29. Aprilis 1518., & quidem quoad omnia, & singula in eis contenta, etiam quoad Censuras lætæ Sententiæ, & penas, etiam contra quoscumque Judices Ecclesiasticos, & Seculares de hujuscemodi appellationibus cognoscere volentes, contra ordinem contentum, & rationem præscriptam in prædictis Literis Apostolicis.

§. 40. Inno quum etiam Nobis certo constet, Superiorum prætorum auctoritatem eludi, & contemni, si circa concernentia statum ipsorum Regularem, quæ totaliter remissa sunt, & esse debent ipsorum religioni, & judicio, cujusmodi sunt Fratrum Assignationes, Remotiones, Dispensationes, Lætionum, & aliorum munerum collationes, ac cætera quæcumque per Constitutiones Apostolicas, & dicti Ordinis relicta arbitrio, & prudentiæ eorumdem Prælatorum, pateat recursus ad Apostolicos Nuncios Nostros, Vice-legatos, ac cæteros Sedis prædictæ, ac Nostræ Ministros, istis omnibus, & singulis auctoritate Apostolica mandamus, & præcipimus, ne in iisdem sese ullaenus in posterum intromittant, atque in illis ipsis, quæ per viam appellationis ex Apostolico aliquo speciali Indulto eosdem posse recognoscere alias certo constaret non aliter id facere posse, ac debere declaramus, & volumus, quam præmissa per Fratres illos gradualis appellatione per præsentem has nostras Literas perpetuo constituta; Vehementer in Domino hortantes, atque excitantes quascumque Venerabilium Fratrum nostrorum Sanctæ Romanæ Ecclesiæ Cardinalium Congregationes, ut severius desuper animadvertant contra Fratres quoslibet nostri hujuscæ Ordinis ad retinendam Regularem observantiam in hoc ipso deficientes.

§. 41. Attendentes deinde quæ sanxerunt Prædecessores nostri Gregorius IX., & Innocentius IV. in eorum Constitutionibus ambabus incipientibus -- *Quia confusio habitus* -- 8. Kalendas Novembris 1239., 8. Kal. Aprilis 1244., & Gregorius XI. *Virtute conspicuos* -- 2. Non. Martii 1374. Clemens VIII. in Constit. CIV. -- *Ex injuncto Nobis* 2. Octobris 1603., ac novissime Alexander VII. in Constitutione -- *Ex injuncto nobis* 8. Februarii 1666., illa omnia auctoritate, motu, & scientia prædictis confirmantes, ac innovantes, similiter districte mandamus Fratribus Trinitariis, & aliis quibuscumque, ne ullus eorum audeat posthac Habitum Fratrum Ordinis Prædicatorum, vel ipsi adeo similem deferre, ut Frater ejusdem Ordinis Prædicatorum credi facile possit, exceptis tamen Eremitanis S. P. Augustini, quibus in certis circumstantiis alias a Sede Apostolica Habitum albus ejusdem Ordinis permixtus est; ab his tamen Habitum illum non aliter deferri volumus, decernimus, & mandamus, quam secundum prædictam Clemens VIII. Constitutionem, hac nostra inviolabili lege, propter motiva jamdudum relata per Alexandrum IV. in ejus Constitutione -- *Meminimus Nos* Idibus Octobris 1259., districteque ipsis Eremitanis prohibemus, ne extra Claustra propria audeant ullaenus cum solo Habitu albo prædicto procedere, amplissime derogantes cuicumque consuetudini etiam immemorabili in contrarium, & dantes plenam facultatem Locorum Ordinariis, ipsisque injungentes, quatenus auctoritate dictæ Sedis, ad instantiam præcipue Fratrum Prædicatorum, contra eos, quos defecisse compererint, procedere possint, ac debeant. Concedimus tamen Fratribus ipsis Prædicatoribus, ut in itinere, vel divertentes ad mœnia Urbium, ad Campos, & similia Loca, ad quæ ex vi antiquarum quoque eorum Constitutionum, secundum quas Nos quoque vivere professi sumus, nullatenus cum Cappa nigra sese conferre teneant, cum solo Habitu albo, quem nemo ignorat esse eorum distinctivum, non obstante quoad id præcisa Constitutione Clem. VIII., accedere, ac procedere libere, & licite possint, & valeant.

§. 42. Considerantes quoque antiquitatem non minus, quam excelsa merita hujus Ordinis, quibus perceptis Leo X. in Constit. -- *Accepimus nuper* -- 3. Julii 1518., & S. Pius V. in Const. LXXI. *Divina disponente* -- 27. Augusti 1568., & Clemens VIII. in Constitutione XIII. -- *Inter cætera* 25. Septembris 1592. Fratribus Ordinis jure merito adjudicantur præcedentiam supra cæteros Mendicantium, aliorumque Ordines, itaque primi, & immediati post antiquos Ordines Monachales locum in omnibus primum, honorabiliorem, & digniorem obtinere debeant, prout pacifice in Conciliis generalibus, ac etiam Lateranensibus inconcussè obtinere: prædictas Constitutiones omnes motu, scientia, & potestate prædictis confirmantes, & innovantes, & quatenus opus sit omnia in eis contenta de novo mandantes, & concedentes, declaramus, atque decernimus, earumdem Constitutionum tenorem perpetuo ubilibet, & in quacumque Mundi parte omnino servandum esse, eisdem Fratribus Ordinis Prædicatorum a die publicationis præsentium priori, digniori, & honorabili loco post Ordines Monachales prædictos in omnibus, & singulis Processionibus, Actibus, & Functionibus, assignato, & constituto: plenissime derogantes quibuscumque conventionibus, consuetudinibus etiam immemorabilibus, Literis, Sententiis, ac Decretis ab Apostolica Sede editis, vel specificè etiam confirmatis in contrarium quomodocumque facientibus.

§. 43. Ut deinceps Fratres hujus Ordinis congrue sustentari valeant, nec tractu temporis

Similiter confirmantur Con-
stituciones
per Ordinis
habitum.

Inhibitio-
nes quædam
hac super re.

Ac nove
concessionis.

Confirmantur prout
Apost. Con-
stitutiones
super præce-
dentia cæte-
ris Regulari-
bus Ordini-
bus.

Necnon
Exemptiones
iisdem con-
cessæ.

Con-

Conventus propter inopiam necessario Fratrum numero carere cogantur, Exemptiones omnes a quibuscumque Decimis, Datis, Collectis, Gabelis, impositionibus, vectigalibus, oneribus hospitandi milites, aliisque cunctis quocumque nomine nuncupatis, & ex quacumque gravi, & gravissima causa impostis, prædicto Ordini concessas per S. Pium V. in Constitutione -- *Dum ad uberes 29. Julii 1566.* -- *Et si Mendicantium Ordines* -- Kalen. Julii 1567. -- *Ad hoc Nos Deus* -- 23. Septembris 1571. -- *Romanus Pontifex 3. Octobris 1567.*, & *Injunctum Nobis* prid. Non. Augusti 1569. Et per Nos etiam in Literis incipien. -- *Solicitudine* editis 4. Idus Decembris 1725., amplissime confirmamus, & innovamus; ac præterea volumus, & mandamus, quod tam pro præteritis, quam pro futuris impositionibus ex urgentissima dumtaxat causa Belli contra Turcas, teneri possint, aut debeant Fratres, Conventus, eorumque bona, facta tamen prius deductione congruæ pro unoquoque Religioso ad rationem scilicet septem ducatorum auri de Camera, & nonnisi de residuo fructuum bonorum demptis, & exceptis prædictis congruis, volumus taxari posse in prædicto extremo casu. Non tamen per id intelligimus derogare Indultis nostrorum Prædecessorum pro particularibus Conventibus, si quæ sunt, de emergentibus, esse præservandam a qualibet impositione ampliozem, seu pinguiorem congruam, quinimo ea confirmamus, ac innovamus. Porro ne ex quo per nostram Constitutionem incipientem -- *Credite*, & decreta novissimi Concilii Romani, in quibus cautum legitur a Taxa Seminarii, exemptos esse debere Regulares pro iis tantum Beneficiis, & fructibus, quorum ratione ipsis Apostolica Sedes ex causa vere, & proprie onerosa indu sit, ut ab onere Taxæ exempti sint, ullo unquam tempore in discrimen revocari queat amplissima exentio ab hujusmodi taxa, quam prædicto Ordini impartitus fuit S. Pius V. in sua Constitutione -- *Romanus Pontifex*, ac in alia -- *Et si Mendicantium* -- hanc ipsam exemptionem, eisdemque, ac alias quacumque per Prædecessores nostros desuper editas Constitutiones, & declarationes expresse confirmamus, & innovamus. Cum enim memoratus Ordo varios Magistros, & Doctores præstet, ac alere, & sustentare teneatur, ex quorum *Doctrina Fratres Novitii, eruditi postmodum effecti gregem Dominicum suis consiliis, confessionibus, orationibus, aliisque innumeris pietatis operibus juvent, & pascant, ejusdemque Ordinis Domus non minus, immo magis, quam ea, quæ per Ordinarios erecta sunt, Seminaria vocari possint, æquissimum videtur, Conventus dicti Ordinis nullo modo præterea taxari posse pro Seminariis ab Ordinariis erectis, vel erigendis, prout hac nostra perpetuo valitura Constitutione declaramus, decernimus, & mandamus, etiam Concilii Romani Decretis, & quibuscumque aliis in contrarium quomodolibet facientibus quam plenissime derogantes.*

Declaratur eadem Ordinem etiam a Taxa Seminarii exemptum esse.

Quædam alia declaratio super Quartam funerealibus Regularibus solvendam Parochis.

§. 44. Per nostram Constitutionem -- *Romanus Pontifex*, ac etiam decreta novissimi Romani Concilii, injunximus Parochis solvendam esse Quartam Funeralem, in Italia nimirum, & Insulis adjacentibus ab omnibus, & quibuscumque Regularibus quocumque privilegio sussultis, & Regulares Ordinis S. Dominici utriusque sexus in eisdem Italia, & adjacentibus Insulis reverenter pro consueta ipsorum erga Apostolicam Sedem obedientia dispositioni nostræ, ut debent, obsequuntur, prout etiam volumus, & mandamus in posterum servari, ita quidem, ut Regulares prædicti ei tantummodo, ad cujus Parochiam spectabit Defunctus, realiter, cum effectu, & sine ulla prorsus controversia tradere teneantur unam ex quatuor partibus (quam proprio nomine *Quartam* appellavimus) omnium

Intortiorum, & Candelarum, quibus Defuncti cadaver in itinere ad eorum Ecclesiam tumulandum associabitur, necnon omnium Intortiorum, & Candelarum, quæ in eadem Ecclesia circa Cadaver, seu Feretrum, ac etiam in Altaribus in die funeris accendantur, retentis tamen sibi Candelis manualiter per viam delatis, una cum omnibus Intorticiis, Candelis, aliisque, de quibus in ea Constitutione mentio expressa facta non fuit; quæ Regularibus prorsus illæsa, & inviolata perpetuo manere volumus; decrevimus, ac mandavimus. Ubi vero adsint consuetudines legitime probate, Conventions, Concordiæ, vel Statuta, quæ Parocho portionem quarta prædicta pinguiorem assignent, hanc eandem, prout ante Nosram prædictam Constitutionem, ac etiam Concilium Romanum, dare pergant, & teneantur. Quum vero mentis, & intentionis nostræ in ea eadem Constitutione fuerit consulere quidem Parochorum indemnitati, ad hoc nimirum, ut ii qui nihil, vel quarta minus percipiebant, eandem quartam consequi possent; non autem, ut qui majus emolumentum, seu plus quarta prædicta ex consuetudine, Conventione, Concordia, vel Statuto reportabant, aliquid aliud præterea vigore dictæ nostræ Constitutionis, aut etiam Concilii Romani sibi arrogare possent, volumus propterea, ut iidem Parochi, vel præcise perciperent statutam a Nobis quartam partem, vel tantummodo starent Consuetudini, Conventioni, Concordiæ, sive Statuto, ut prædictum est; Ne autem super hujusmodi clara cæteroquin intelligentia Nostræ Constitutionis, & Concilii Romani, ullo unquam tempore excitari valeat aliqua difficultas, expresse ita declaramus dictam nostram Constitutionem, & Decreta Concilii Romani, simulque motu, scientia, & potestate prædictis volumus, præcipimus, & mandamus, ut iidem Fratres Parocho relinquunt optionem, vel eligendi Quartam Partem prædictam, vel standi Consuetudini, Statuto, Concordiæ, seu Conventioni, eamque pacifice sequantur, ut suæ ipsorum quieti religiose juxta eandem mentem nostram consulant; Parochi vero semel factam optionem immutare nullatenus possint, aut valeant.

§. 45. Ea itidem Privilegia Fratibus Ordinis Prædicatorum Indultæ per Sacros Canones, & Apostolicas Constitutiones, ut possint Cadavera Laicorum, & extraneorum quorumcumque in suis Ecclesiis libere tumulare, uberrime confirmamus, & innovamus: utque, quantum in Domino possumus, occurramus continuis molestiis, quas, propter aliquorum finistras interpretationes, pati coguntur Fratres prædicti cum maximo Christianidelium scandalo, & pietatis simulque Divini Cultus detrimento, perpetuo volumus, & sancimus, in primis Fratrum prædictorum omnium, eisque inservientium, necnon quarumcumque personarum Tertii Ordinis, etiam extra Claustra, Domos, Hospitia, & Asceteria obeuntium, Laicorum quoque extraneorum per accidens degentium, & decedentium in Conventibus, Hospitiis, Domibus, & Asceteriis prædictis, Cadavera tumulanda esse in dictis Ecclesiis Ordinis, Diocesani Loci, aut alterius cujuscumque licentia minime desuper requisita. Liberam prorsus præterea fore cuique Fidelium, sive pro seipso, sive pro suis filiis, & filiabus, nepotibus, & neptibus in puerili vel infantili ætate decedentibus electionem Sepulturæ in Ecclesiis, & Cæmeteriis præfati Ordinis. De hac vero electione satis constare ubi in Ecclesia Ordinis gentilitium obeuntis, nulla in contrarium facta dispositione, sepulcrum præexistat; rursus ex Testamento, Codicillis, vel alia mortientis simplicis etiam scriptura, item ex dicto aut Confessoris, aut duorum testium, etiam extrajudicialiter deponentium de illius voluntate. Quod

Confirmatur, ac declaratur privilegia eidem Ordini concessa de Laicis tumulandis.

si Parochus velit illos judicialiter repetere, suis sumptibus id facere teneatur. Caveantque Parochi, ne quod directe nequeunt, indirecte nitantur huic libertati præjudicium, & noxam inferre, sub prætextu ad ipsos pertinere numerum determinare Fratrum associare debentium, atque illum limitare ad metam Clericorum secularium: aliove deteriori, Parochianos, nimirum, eligentes alibi quam in Ecclesia Parochiali Sepulturam, teneri ad elemosynam majorem, gravioraque emolumenta favore Parochi, etiam sub mendicatio titulo coarctivæ celebrationis Missarum, & Anniversariorum, vel sub obtentu cadaveris in Cathedrali, vel Parochiali Ecclesiis, prius exponendi, & respectively ratione transitus per limites aliarum Parochiarum, perfolvenda esse similia emolumenta. Has enim abusivas adinventiones eradicare intendimus, & exterminare, prout abolemus, & improbamus, Statutis, Conventionibus, & Consuetudinibus etiam immemorabilibus in contrarium vigentibus minime attentis, quibus expresse derogamus. Volentes, numerum Fratrum associare debentium fore libere determinandum per hæredes defuncti nullo habito respectu ad numerum Clericorum secularium. Per Cathedrales vero Ecclesias, Parochiales, seu per Parochos Defunctorum, aut per quorum Parochias transeunt cadavera, nullatenus cogi posse Fratres Ordinis, seu Defunctorum hæredes ad exponendum Cadavera, vel aliquid aliud solvendum ex causa transitus; itaut in posterum soli Parochi morientium, iisque emolumentis dumtaxat potiantur, & gaudeant, quibus de jure potiantur, & gaudent, firma omnimode manente, ac plenissime morientibus observata, sibi eligendi sepulturam, libertate. Parocho admonito, requisito, & intimato per Fratres, ac demum reuente accedere ad associandum Cadaver in Ecclesiam Fratrum prædictorum, vel eodem ultra statutam pro delatione Cadaveris horam per discretum tempus, quod nunquam unam horam excedere possit, expectato, nec accedente, Fratres prædictos Cadaver illud, invito etiam ipso Parocho, levare, & ad eandem Ecclesiam tumulandum, ne Dei servitium minuatur, & ipsi contemnuntur, recto quidem tramite, & via per eos eligenda deferre posse, ac debere volumus, atque sancimus. Et ad tollendum deinceps, quantum in Domino possumus, Fidelium scandalum, nimis frequentium controversiarum originem, hac perpetuo valitura lege decernimus, licere Cathedralis Capitulo, Parocho, Fratribus Ordinis Prædicatorum, ac cæteris etiam Regularium Communitatibus ad Processiones Funebres per quas Parochias, singulorum propriis erectis Crucibus, accedere, easque etiam sic peragere, quemadmodum in aliis solemnioribus Processionibus contingit, & ita etiam in Ecclesiam tumulantem ipsorum Fratrum, ordine, quo in via incedebant, ingredi, atque facta adoratione ad Altare, in quo asservatur Sanctissimum Sacramentum, aut etiam exequiis perfolutis recedere: Parocho quoque in eandem Ecclesiam tumulantem cum Stola intrare; ac respectively Fratribus associare debentibus Defuncti cadaver cum Parocho, ne interim contingat illos in vicis, & plateis supersedere, in Parochialem Ecclesiam etiam cum Cruce erecta ingredi licitum fore, auctoritate Apostolica, Motu, & scientia prædictis, mandamus, & volumus. Non obstantibus, quod prædicta omnia, & singula consuetudinibus etiam immemorabilibus, quibus omnibus expresse, ac plenissime derogamus; Declarantes, & quatenus opus sit, decernentes, ac matura deliberatione mandantes, Crucis erectiones, Stole delationem, & ingressus in Ecclesias in omnibus, & singulis enumeratis, ac cæteris quibuscumque similibus casibus, nullam

penitus Jurisdictionem importare, aut minimum in aliquo præjudicium cuicumque irrogare, aut quomodocumque, & quomocumque irrogare, & inferre posse. Postremo prohibemus, posse per Parochos invitatis Fratribus in istorum Ecclesiis, aut Cœmeteriis Cadavera sepeliri, & respectively Missas celebrari, ac Exequias quascumque perfolvi. Ubi vero accedit pacifica consuetudo, seu legitima conventio, aut expressa Fratrum voluntas, permittimus, quod Parochus cum Clericis secularibus in Ecclesiis Ordinis Exequias peragat, absque ullo tamen præjudicio Fratrum, quorum omnimoda de cætero jurisdictione in propriis Ecclesiis salva, & illæsa remaneat, eique nullum imaginabile præjudicium per hujusmodi particulares, & Fratrum voluntarios actus irrogatum ullo tempore censetur.

§. 46. Uterius circa exemptionem a Canonica Portione, sive a Decimis quibuscumque Ecclesiasticis, sive Canonicis, Parochialibus, Episcopalibus, ac etiam Papalibus, tam Personalibus, quam Realibus, non solum de Novalibus, Hortis, animalium Nutriments, Virgultis, Bonisque propria manu excultis, sed etiam quoad omnia omnino bona, quomodocumque, & quomodocumque acquirenda, etiam per alienas manus excolenda, immo etiam quoad ipsos Colonos, Arrendatarios, & similes quoscumque, qui Fratrum prædicatorum, ac Sororum, indigentis de prædictis eorum bonis hac vita subvenire teneantur, expresse, ac specificè confirmamus Privilegia ipsi sive directe cum necessariis, & opportunis derogationibus, & respectively etiam Conc. Lateran. seu *cap. Nuper de Decim.*, ut in Constitutionibus Honorii III. - *Religiosam Vitam* - 11. Kal. Januarii 1216., Innocentii IV. - *Qui Deum tota* - 3. Nonis Februarii 1244., Alexandri IV. - *De pia, & sancta* - 15. Kal. Februarii 1257., Bonifacii VIII. - *Laudabilis* - 15. Kal. Augusti 1297., Benedicti XI. - *Sacra vestra Religio* - 3. Kalend. Martii 1304., Gregorii XI. - *Virtute conspicuus* - 2. Non. Martii 1374., Bonifacii IX. - *Esse pro cunctorum* - 5. Kal. Maji 1401., Martini V. - *Ad Summi* - Kal. Maji 1420., Eugenii IV. - *Ad statum* - 3. Idus Aprilis 1440., Nicolai V. - *Licet ex debito* - Prid. Non. Decembris 1448., & - *Licet ea* - 8. Idus Augusti 1451., Sixti IV. - *In Mari Magno Prædicatorum* - & Sancti Pii V. - *Esse Mendicantium* - & - *Ad hoc Nos Deus* - & - *Injunctum nobis* - Pauli V. - *Ex Apostolica Sedis* - Clementis VIII. - *Injuncti* - & - *Exposcit* - 25. Martii 1592., & - *Pastoralis Officii* - Julii 1595., & Urbani itidem VIII. - *In plenitudine* - Sive indirecte, & virtualiter ipsis defuper concessa, nimirum, per amplissimas communicationes Privilegiorum, & præcipue indultorum Carthusianis, Cisterciensibus, & Societati Jesu, quemadmodum liquet ex præcitatæ Constitutionibus. Ne tamen ullo unquam tempore de hujusmodi plenaria exemptione dubitari queat, præterea Motu proprio, & auctoritatis plenitudine, contrariis quibuscumque non obstantibus, Ordini Prædicatorum utriusque sexus, & ab eo dependentibus, eorumque prædictis bonis quibuscumque dictam exemptionem ex integro, & denuo cum expressa, & individuali derogatione dicti *cap. Nuper de Decim.*, amplissime concedimus, & largimur.

§. 47. Itidem quoad privilegia Mendicantium Ordini Prædicatorum concessa, prævia derogatione Constitutioni a Gregorio XIII. - *In tanta* - editæ prima Martii 1573., innovamus Constitutiones S. Pii V. - *Esse Mendicantium* - & - *Ad hoc Nos Deus* - & quatenus opus sit in his contenta de novo disponimus, & respectively concedimus, atque perpetuo observanda esse decernimus, & mandamus, dummodo Decretis Concilii Tridentini, & dispositis in hac nostra peculiari Constitutione non sint contraria, ut etiam denan-

Eximium prædicti Fratres etiam a Canonica, quam dicunt, portione.

Innovantur præter Constitut. Apost. quoad privilegia Mendicantium prædicti Ordini concessa.

darunt

darunt Clemens VIII. in Constitutione -- *Injuncti* -- 5. Octobris 1604., & Urbanus VIII. in Constitutione -- *In plenitudinem* -- 31. Maji 1625. Declarantes, quod hæc restrictio contenta etiam in mox dictis Literis Clementis, & Urbani haud tollit decreta Concilii Tridentini juxta interpretationem ipsi attributam in præcitatis Literis S. Pii V.

Communi-
cantur am-
plissima ei-
dem Ordini
Privilegia
omnia quæ-
cumque, ac
Indulgentiæ
quibuscum-
que aliis Or-
diniibus con-
cessa.

§. 48. Inhærentes præterea vestigiis Prædecessorum Nostrorum, qui Privilegia, Indulta omnia, & singula, gratias, exemptiones, Immunitates, & Communicationem intraneam, sive ampliationem, aut extensionem intra ipsum Ordinem Prædicatorum adeo, ut concessa, vel concedenda uni Fratri, Sorori, Domui, Conventui, Collegio, Ecclesie, Monasterio, & aliis, etiam si concessa non intelligerentur sub generali communicatione, aliis Fratribus, Sororibus, Domibus, Conventibus, Collegiis, Ecclesiis, Monasteriis, cæterique pariformiter comprehensa, & concessa perpetuo sint, & intelligantur, Communicationem quoque infra declarandam uberius cum aliis quibuscumque Ordinibus, Congregationibus, & Confraternitatibus, libertates, prærogativas, Indulgentias, peccatorum remissiones, & similia quæcumque, & quocumque nomine nuncupanda, a Prædecessoribus Nostris Ordinis prædicti, Domibus, Collegiis, Conventibus, Monasteriis, Provinciis, Fratribus, ac Monialibus, necnon utriusque sexus Tertiariis, concessa, amplissime, & validissime confirmantur, innovantur, de novo concesserunt, eisque perpetuum Apostolicæ firmitatis robur addiderunt, etiam Motu proprio, scientia, & potestate prædictis, derogando insuper quibuscumque consuetudinibus, ac Constitutionibus Apostolicis, etiam in Universalibus, Provincialibus, & Synodalibus Conciliis editis, & Ordinationibus contrariis, ac cum Decreto irritante, supplendo quosvis defectus Juris, & Facti, & solemnitarum forsitan omisarum, ut in Apostolicis Constitutionibus, & signanter Alexandri V., Martini etiam V., Eugenii IV. in Bullis incipien. -- *Sacra Religio* -- 5. Kal. Aprilis 1439., ubi Privilegium dicto Ordini Prædicatorum indultum per plures Prædecessores post Innocentium IV., quod nullæ Litteræ Apostolicæ sub quibusvis formis, & verborum expressionibus, & cum quibuslibet derogatoriis Privilegiis, etiam Mendicantium, quandocumque emanandæ possent eidem Ordini præjudicare, nisi de Ordine ipso, ac de Magistro Ordinis, & Privilegiis ipsi concessis signanter, & notanter, specialiter, & expresse, necnon de verbo ad verbum mentio facta fuerit, validissime confirmatur, quod, & alii postmodum Romani Pontifices decreverunt; insuper Nicolai V., Sixti IV. -- *In Mari magno* -- ac in -- *Bulla aurea* -- Julii II. -- *Alia ad supplicationem* -- Junii 1509. Leonis X. duabus Literis similiter incipien. -- *Quum inter ceteros* -- 22. Novembris 1513., & 21. Junii 1518., & in aliis -- *Dudum per Nos accepto* -- 10. Decembris 1519., Julii III. -- *In Sacra Beati Petri* -- 10. Julii 1551., Pauli IV. -- *Ex Apostolica Sedis* -- 9. Martii 1555., ac deinde S. Pii V., Clementis VIII., & Urbani VIII. in prædictis Constitutionibus -- *Esti Mendicantium* -- *Injuncti* -- *In plenitudinem* -- easque quidem omnes, & singulas Constitutiones, ac supplendo quoscumque defectus Juris, & Facti, & solemnitarum forsitan omisarum, confirmantes, ac innovantes, & quantum opus sit omnia, & singula in eisdem, ac cæteris quibuscumque pro Ordine Prædicatorum, ejusque Generali Magistro, Procuratore Generali, Superioribus, Fratribus, Monialibus, Tertii quoque Ordinis Personis quibuscumque per Sedem prædictam, ac etiam per S. R. E. Cardinalium Congregationes, Cardinales Legatos, & quosvis Sedis prædictæ Nuntios, & Ministros, & per alios quoscumque, & quacumque potestate

pollentes, aut alias quomodolibet, & sub quibuscumque verborum expressionibus, & tenoribus in genere, vel in specie, & particulariter tam per modum communicationis, & ampliationis, quam simplicis, & individuae, particularis, ac specialis concessionis cujuscumque, & quomodocumque etiam Motu proprio, aut aliter factæ, emanatis concessionibus contenta, ac etiam consuetudine legitime præscripta, aut acquisita, largientes, ac concedentes, dummodo tamen prædictis in hac nostra Constitutione non sint expressè contraria, Motu, scientia, ac potestate similibus confirmamus quoque, innovamus, ac si opus sit de novo concedimus Magistro Ordinis, Capitulis Generalibus, Definitoribus eorum, cunctisque Fratribus, sive Clericis, sive Laicis, etiam Oblatis, Monialibus quibuscumque, ac Tertii Ordinis utriusque sexus personis, eorumque Ecclesiis, Conventibus, Monasteriis, ac Domibus, ministris, famulis, cunctisque tam Conservatoribus, & Officialibus, quam domesticis, necnon quibusvis aliis personis, ac Christifidelibus, illorum Ecclesias, seu Capellas, Oratoria quoque visitantibus, necnon Confratribus, & Confratribus tam supradictarum, quam aliarum quarumcumque Confraternitatum in Ecclesiis, aut Oratoriis eorundem Fratrum legitime erectarum, & institutarum, vel quandocumque erigendarum, ac instituendarum, illisque tam nunc existentibus, quam pro tempore extituri: omnibus pariter, & singulis libertatibus, Immunitatibus, exemptionibus, privilegiis, præeminentiis, antelationibus, concessionibus, Indultis, favoribus, Indulgentiis, aliisque prærogativis, & gratiis universis, & singulis, tam spiritualibus, quam temporalibus, singulis Domibus, Conventibus, Collegiis, Monasteriis, & aliis regularibus locis, & personis, tam Canonicorum, quam Clericorum regularium ubivis existentium institutis, & non solum Ordinibus Monasticis Regularibus aliorum Mendicantium, & non Mendicantium, tam pro redimendis Captivis, quam aliis quomodolibet, Ordini Sanctissimæ Trinitatis Redemptionis Captivorum, illiusque Domibus, Conventibus, & Fratribus, necnon Ordini, ac etiam Congregationi Fratrum Discalceatorum ejusdem Ordinis B. M. de Mercede Redemptionis Captivorum, ac etiam omnibus, & quibuscumque Congregationibus Regularium, & præcipue Clericorum Regularium, etiam Mendicantium in omnibus, & per omnia quoque subsistere absque ulla prorsus differentia, ut prædictum est, pariformiter declaramus, sancimus, volumus, uti, frui, potiri, & gaudere libere, & licite possint, & valeant.

§. 49. Ac demum, ut Ordo ipse Fratrum Prædicatorum, illiusque Magister Generalis, Provinciales, Priores, alique Superiores, Fratres, Famuli, & Personæ quæcumque ab Ordine ipso, ut præfertur, quomodolibet dependentes, nunc & pro tempore existentes, omnium, & singulorum a Nobis, ut præfertur, approbatorum, confirmatorum, extensorum, innovatorum, & de novo etiam concessorum pacifica in possessione, seu quasi a data præsentium constituantur, constitutique sint, & esse censeantur, omnes, & quascumque lites, & causas, si quæ sint, quarum omnium, & singularum respective status, & merita eidem præsentibus haberi volumus pro expressis super præmissis, seu illorum aliquo inter Fratres prædictos ex una & quoscumque alios ex altera partibus, in quocumque iudicio coram quocumque Judice quavis etiam Apostolica sibi delegata auctoritate fungente, & in quacumque instantia quomodolibet nunc pendentes, ad Nos avocantes Apostolica auctoritate, Motu, ac potestatis plenitudine prædictis penitus extinguimus, & extinctas esse volumus, omnimodumque silentium perpetuo imponimus.

Abolentur
lites omnes
ortæ, vel
quæ oriri
possent super
approbatis,
extensis, vel
de novo concessis prædictis.

§. 50. Decernentes omnia, & ſingula præmiſſa a Nobis, ut præfertur, confirmata, approbata, innovata, extenſa, de novo conceſſa, & indulta, eaſdemque præſentes ſemper, & perpetuo, tanquam Divini Cultus, & bonorum operum augmentum, Religionisque propagationem reſpicientia, valida, & efficaciã, ac validas, & efficaces eſſe, & fore, ſuoſque plenarios, & integros effectus perpetuo fortiri, & obtinere, & ab omnibus firmiter, atque inviolabiliter, nec ab illis ullo unquam tempore quovis prætextu, occasione, vel cauſa reſtiri, aut decedi, neque de nullitatis, obreptionis, ſubreptionis vitio, & intentionis noſtræ defectu notari, impugnari, vel retractari, nec adverſus illas quodcumque juris, vel facti remedium, nec etiam oris aperitionem impetrari unquam poſſe, neque ſub quibuſvis ſimilibus, vel diſſimilibus gratiarum, privilegiorum, indultorum revocationibus, limitationibus, ſuſpenſionibus, derogationibus, & aliis contrariis diſpoſitionibus, etiam per Nos, & Succeſſores Noſtros Romanos Pontifices pro tempore exiſtentes, Sedemque prædictam, ſub quibuſvis tenoribus, & formis, ac ſub quibuſvis clauſulis, & decretis, etiam derogatoriæ derogatoriis minime confundi, vel comprehendendi poſſe, niſi de toto earundem præſentium tenore, & data expreſſa mentio, nihil penitus omiſſo, habita, & revocatio, derogatio, ſuſpenſio, limitatio, reſtrictio, & alia quacumque contraria diſpoſitio Magiſtro, & Procuratore generalibus pro tempore dicti Ordinis expreſſe, diſtinctim, ac nominatim intimatis, iſque per trinas diſtinctas literas Apoſtolicas tribus diverſis vicibus cum temporis competentis intervallo ad id ſpecialiter vocatis factæ fuerint, & ſi aliter derogari, revocari, ſuſpendi, limitari, & reſtringi contingat, huiusmodi derogationem, revocationem, ſuſpenſionem, limitationem, & reſtrictionem, nullius eſſe roboris, & momenti, & quoties illæ emanabunt toties in eorum priſtinum, & validiſſimum ſtatum ſub quacumque etiam poſteriori data per Magiſtrum Generalem, & Fratres pro tempore exiſtentes prædictos eligenda reſtitutas, reſpoſitas, & plenarie reintegratas, & de novo etiam conceſſas eſſe, & fore, ac vim validi, & efficaciſſimi contractus, etiam cum juramento inter Nos, & Sedem prædictam, ac Magiſtrum Generalem, & Fratres prædictos inti habere. Sicque, & non alias, per quoscumque Judices Ordinarios, vel Delegates, etiam Cauſarum Palatii Apoſtolicæ Auditores, ac etiam S. R. E. Cardinales, etiam de latere Legatos, Vicelegatos, dictæque Sedis Nuncios, ſublata eis, & eorum cuilibet quavis aliter iudicandi, interpretandi, & definiendi facultate, & auctoritate, in quavis cauſa, vel iſtantia iudicari, ſententiarum, & definiendi debere, necnon quidquid ſecus ſuper his a quoquam quavis auctoritate ſcienter, vel ignoranter contigerit attentari, irritum, & inane decernimus, & declaramus. Quoniam vero quouſque Divinæ Providentiæ placuerit Nos in humanis tolerare, nolumus plane protectionem Nobis Diſcretiſſimi Ordinis alicui cedere, mandamus ſubinde futuris pro tempore Protectoribus Sanctæ Romanæ Eccleſiæ Cardinalibus, enixeque in Domino hortamur, ut pro plena noſtræ huius Conſtitutionis executione apud Pontifices totis viribus, zelanterque advigilent, atque procurent.

Committitur quibuscumque in Eccleſiaſtica dignitate conſtitutis executione prædictæ Conſtitutionis.

§. 51. Executionem vero contentorum in præſentibus Noſtris Literis committimus, & mandamus univerſis, & ſingulis Venerabilibus Fratribus Apoſtolicæ huius Sedis Legatis, Nuntiis, & Internuntiis pro tempore exiſtentibus, necnon Patriarchis, Archiepiſcopis, Episcopis, ac Dilectis Filiis Cauſarum Curiaſ Camera Apoſtolicæ Generali Auditori, Abbatibus, Prioribus, & aliis quibuſcumque Perſonis in dignitate Eccleſiaſtica conſtitutis, quatenus ipſi, vel duo, aut unus eorum per ſe, vel alium, ſeu alios eaſdem præſentes, & in eis contenta quæcumque ubi, & quando opus fuerit, ac

quoties ſuper hoc pro parte Magiſtri Generalis, & Fratrum nunc, & pro tempore exiſtentium, aut alicujus eorum requiſiti fuerint, ſolemniter publicantes, eiſque, & eorum cuilibet in præmiſſis efficaciſſimis deſenſionis præſidio adſiſtentes, faciant auctoritate noſtra firmiter obſervari, eoſque, & quemlibet eorum illis pacifice ſui, & gaudere, non permittentibus eos, aut eorum quempiam per quoscumque contra earundem præſentium tenorem deſuper quomodolibet indebite moleſtari, Contradiſtores quoslibet, & rebelles per cenſuras, & penas Eccleſiaſticas, ac alia opportuna juris remedia, appellatione poſtpoſita, compellendo, ac legitimis ſuper his habendis ſervatis proceſſibus, cenſuras, & penas ipſas etiam iteratis vicibus aggravando, invocato etiam ad hoc, ſi opus fuerit, auxilio brachii ſecularis.

§. 52. Non obſtantibus priori voluntate noſtra, ac noſtris, & Cancellariæ Apoſtolicæ regulis de non tollendo jure quaſito, ac piæ memoriæ Bonifacii Papæ VIII. pariter Prædeceſſoris Noſtri, qua cavetur, ne quis extra ſuam Civitatem, vel Diœceſim, niſi in certis exceptis caſibus, & in illis ultra unam diætam a ſine ſuæ Diœceſis ad iudicium evocetur, ſeu ne Judices a Sede Apoſtolicæ deputati contra quoscumque procedere, ſeu alii, vel aliis vices ſuas committere præſumant, ac in Concilio Generali edita de duabus diætis, dummodo ultra tres diætis aliquis auctoritate præſentium ad iudicium non trahatur, & quibuſvis univerſalibus, Provincialibus, & Synodalibus Conciliis, vel aliis Apoſtolicis ſpecialibus, vel generalibus Conſtitutionibus, & Ordinationibus, necnon prædicti, aliorumque Ordinum Regularium quoruncumque etiam juramento, confirmatione Apoſtolicæ, vel quavis firmitate alia roboratis Statutis, & Conventionibus, ac etiam immemorabilibus conſuetudinibus; privilegiis quoque, Indultis, & literis Apoſtolicis, quibuſvis perſonis, & locis in genere, vel in ſpecie ſub quibuſcumque tenoribus, & formis, ac cum quibuſvis etiam derogatoriæ derogatoriis, aliſque efficaciſſimis, & inſolitæ clauſulis, necnon irritantibus, & aliis decretis, ac etiam conſiſtorialiter, ac alias quomodolibet etiam ad Imperatoris, Regum, Reginarum, & aliorum quoruncumque Principum iſtantiam iteratis vicibus conceſſis, approbatis, & innovatis, quibus omnibus, & ſingulis, etiam ſi pro illorum ſufficienti derogatione, alias de illis, eorumque totis tenoribus, ſpecialis, ſpecifica, individua, & expreſſa, ac de verbo ad verbum, non autem per clauſulas generales idem importantes, mentio, ſeu quavis alia expreſſio habenda, aut aliqua alia exquisita forma ad hoc ſervanda foret, tenores huiusmodi, ac de verbo ad verbum, nihil penitus omiſſo, & forma in illis tradita obſervata, inferri forent, præſentibus pro ſufficienter expreſſis habentes, illis alias in ſuo robore permanſuris, latiſſime, & pleniffime, ac ſpecialiter, & expreſſe harum ſerie hac vice dumtaxat Motu, ſcientia, & poteſtatis plenitudine paribus; derogamus; Aut ſi aliquibus communiter, aut diviſim ab eadem ſit Sede indultum, quod interdici, ſuſpendi, vel excommunicari non poſſint per literas Apoſtolicas non facientes plenam, & expreſſam, ac de verbo ad verbum de Indulto huiusmodi mentionem.

§. 53. Volumus autem, quod ipſarum præſentium tranſumptis, etiam impreſſis, alicujus in Dignitate Eccleſiaſtica conſtitutæ perſonæ ſigillo, & Notarii manu obſignatis, vel etiam, ſaltem extra Italiam, ſigillo, & ſubſcriptione Magiſtri Ordinis, aut Provincialium pro tempore ejuſdem Ordinis munitis, eadem proſus fides in iudicio, & extra illud adhibeatur, quæ adhiberetur præſentibus ſi forent exhibitæ, vel oſenſæ.

§. 54. Nulli ergo omnino hominum liceat hanc paginam noſtræ abſolutionis, approbationis, confirmationis, extenſionis, innovationis,

Derogato
rix.

Fides habenda tranſumptis.

Sanctio poſtularis.

conceſſio.

concessionis, extinctionis, impositionis, Indulti, decreti, declarationis, commissionis, mandati, & derogationis infringere, vel ei ausu temerario contraire; si quis autem hoc attentare presumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Seræ Anno Incarnationis Dominicæ Millesimo septingentesimo vicesimo septimo, septimo Kalendas Junii Pontific. Nostri Anno Tertio.

CXXXVI.

Statuitur ut Privilegia Ex-Provincialium, Præsentorum, Prædicatorum, vel Ex-Assistentium generalium in Provincia Portugaliæ Eremitarum S. Augustini, juxta Ordinis instituta deinceps concedantur.

Alia hujus Const. ed. 1728. Jan. 1. P. 4. confirmantur universa privilegia eidem ordini alias concessa, & Inn. XIII. Const. ed. 1723. Sept. 20. P. 3. moderata fuit Const. Clem. XI. de voto FF. consanguineorum.

Dat. 14. Junii
1727. An. 4.

BENEDICTUS PAPA XIII.

Ad futuram rei memoriam.

Faci exposi-
tio.

S. 1. **E**Xponi Nobis nuper fecerunt dilecti filii Prior Provincialis, & Definitorum Portugaliæ Ordinis Fratrum Eremitarum S. Augustini, quod cum nonnullis abhinc annis tot ejusdem Provinciae Fratres Privilegia Priorum Exprovincialium, Præsentorum, & Prædicatorum generalium cum voto in Capitulis libri ab hac Sancta Sede concedi obtinuerint, ut quinquaginta novem vocales supra numerum inibi de præfenti reperiantur, qui numerus habita ratione ad familiam ejusdem Provinciae, excessivus, ac nimium onerosus dignoscitur; plures vero alii Fratres dictæ Provinciae familia, ac etiam Exassistentium Generalium privilegia, aliasque exemptiones ab eadem sede impetrare nitantur, quæ si concederentur, in grave ejusdem Provinciae damnum, ac cultus Divini detrimentum cederent, multasque Capitalis Provincialibus dictæ Provinciae turbas, dissidia, atque dispendia adferrent, & quia per emendicata ab aliis Provinciae præfata Religiosis sibi bene affectis, & additis testimonia, quæ interdum a veritate deviant, procurari solent, fratres immeritis his privilegiis donari multoties contingat; Ipsi Exponentes, ne præ multitudinem gratiarum, & exemptionum hujusmodi statuta, & gubernium dictæ Provinciae, illiusque Religiosa tranquillitas perturbentur, ac cultus Divinus inibi diminuatur, eisdem gratis, & exemptionibus aditum in posterum præcludi, ac insuper ne Religiosis ejusdem Provinciae, qui suis literarum studiis illius decus, & splendorem augeant, condigna laborum suorum merces ab aliis, qui debitis qualitatibus desituri fuerint, præcipiatur, Magisteria in Sacra Theologia deinceps non aliter, quam ad præscriptum Constitutionum ejusdem Ordinis, auctoritate Apostolica confirmatarum, & alternativa pro æquali inter duas filiationes in dicta Provincia stabilitas partitione vigentis distribui plurimum desiderant; Nobis propterea humiliter supplicari fecerunt, ut sibi in præmissis opportune providere & ut infra indulgere, de benignitate Apostolica dignaremur.

S. 2. Nos igitur eorumdem Exponentium votis hac in re quantum cum Domino possumus, favorabiliter annuere volentes, eorumque singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodatas existunt ad effectum præsentium dumtaxat consequendum ha-

rum serie absolventes, & absolutas fore censentes, hujusmodi supplicationibus inclinati, quoad cetero; nulla privilegia, exemptiones, & prærogativæ Expriorum Provincialium, Præsentorum Prædicatorum, vel Exassistentium generalium, ac etiam dispensationes super tempore lecturæ pro obtinenda Jubilacione contra, & præter regularia eorumdem Ordinis, & Provinciae instituta quibusvis dictæ Provinciae Fratribus concedantur, auctoritate Apostolica, tenore præsentium statimus, & ordinamus, illaque, & illas per eosdem fratres etiam a Romano Pontifice pro tempore existente, seu de sede præfata peti, procurari, & obtineri, sub privationis vocis activæ, & passivæ tam per eos, quam per alios Fratres, seu Superiores dictæ Provinciae qui Testimonium ad illa, & illas petendum procurandum, & impetrandum concederent, & relaxarent, ipso facto absque alia declaratione, incurrenda pœna prohibemus; In Magisteriis vero Sacræ Theologiæ in dicta Provincia distribuendis, illius fratrum merita, & labores semper, & rigorose attendi, ac præfatorum ordinis, & Provinciae Constitutiones, necnon enarratam inter duas filiationes hujusmodi alternativam servari, eadem auctoritate harum serie præcipimus, & mandamus.

S. 3. Decernentes ipsas præfatas literas semper firmas, validas, & efficaces existere, & fore, suoque plenarios, & integros effectus sortiri, & obtinere, ac illis, ad quos spectat, & pro tempore quoadcumque spectabit, in omnibus, & per omnia plenissime suffragari, & ab illis respectively inviolabiliter observari: Sicque in præmissis per quoscunque Judices ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari. Non obstantibus Constitutionibus, & ordinationibus Apostolicis, necnon præfatorum Ordinis, & Provinciae, aliisque quibusvis, etiam Juramento, Confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanens ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Petrum sub annulo Piscatoris die XIV. Junii MDCCXXVII. Pontificatus nostri anno Quarto.

Immutatur aliqua in parte Constitutio quedam hujus Pontificis quoad suffragium Ministri Provincialis, Custodis, & Definitorum Ordinis Minorum, pro Familia Ultramontana.

Clem. XII. Const. ed. 1730. Octob. 14. P. 1. moderantur alia hujus Constitutiones pro iisdem Fratribus edita.

BENEDICTUS PAPA XIII.

Ad futuram rei memoriam.

S. 1. **A**lias nos per quamdam nostram constitutionem, cujus initium est, *Universalis Ecclesiæ regimini*, quam non minus pro paterno quem erga indyctum Fratrum Minorum S. Francisci Ordinem gerimus devotionis, & charitatis affectu, quam ad antiquam Regularem observantiam in eo sartam, testamque tuendam, & restituendam non ita pridem edidimus, inter alia disposuimus, quod in Definitoriis, Congre-

Statutum prædictum.

Classula.

CXXXVII.

Dat. 14. Junii
1727. An. 4.

Ab hoc eodem Pontifice alias statutum fuit, ut Ministri Provinciales, Custodes, & Definitores duntaxat Ordinis Minorum voce decisiva frui deberent.